


অনুপাত বিশ্লেষণ



ভূমিকা

হিসাব চক্র দেখলে আপনি দেখতে পাবেন, এর অন্যতম দুটি ধাপ হলো আর্থিক বিবরণী প্রস্তুত করণ এবং আর্থিক বিবরণী বিশ্লেষণ। আর্থিক বিবরণী বলতে মূলতঃ লাভ-ক্ষতি হিসাব এবং উদ্বৃত্তপত্রকে বুঝায়। এ দুটি বিবরণী থেকে ব্যবসা প্রতিষ্ঠানের আর্থিক ফলাফল (লাভ-ক্ষতি) এবং আর্থিক অবস্থা (সম্পদ ও দায়ের পরিমাণ/প্রকৃতি) জানা যায়। তবে এ থেকে প্রাথমিক ধারণা লাভ করা যায়, প্রকৃত অবস্থা ও কারণ এ বিবরণীদ্বয় থেকে জানা যায় না। কিন্তু অভ্যন্তরীণ ও বাহ্যিক তথ্য ব্যবহারকারীদের ব্যবসার প্রকৃত অবস্থা জানা দরকার হয়। এ জন্য আর্থিক বিবরণী বিশ্লেষণের প্রয়োজন। বিভিন্ন দৃষ্টিকোণ থেকে আর্থিক বিবরণী বিশ্লেষণ ও পর্যালোচনা করলে তথ্য ব্যবহারকারীরা ব্যবসার প্রকৃত অবস্থা জানতে পারে এবং তারা এর আলোকে সিদ্ধান্ত গ্রহণ করতে পারে।

আর্থিক বিবরণী বিশ্লেষণের বিভিন্ন মাধ্যম ও পছা আছে। অনুপাত বিশ্লেষণ তার মধ্যে অন্যতম। এটি আর্থিক বিবরণী বিশ্লেষণের সর্বোত্তম মানদণ্ড ও বহুল অনুসৃত পদ্ধতি। অনুপাত বিশ্লেষণ প্রতিষ্ঠানের স্বার্থ সংশ্লিষ্ট পক্ষগুলোর জন্য বিভিন্ন আর্থিক তথ্যকে সহজ, সরল, বস্তুনিষ্ঠ, বোধগম্য, অর্থপূর্ণ, পরিষ্কারভাবে এবং তুলনা উপযোগী করে উপস্থাপন করে, যাতে তথ্য ব্যবহারকারীরা এর আলোকে ভবিষ্যৎ কার্যক্রম সম্পর্কে সঠিক সিদ্ধান্ত নিতে পারে। এর মাধ্যমে তারা প্রতিষ্ঠানের সাফল্য ও ব্যর্থতা সম্পর্কে সুস্পষ্ট ধারণা লাভ করে থাকে। অনুপাত হলো আর্থিক বিবরণীগুলোর অন্তর্ভুক্ত দুটি বিষয়ের মধ্যকার পারস্পরিক সম্পর্কের সংখ্যাগত পরিমাপ। হিসাববিজ্ঞানে অনুপাত বিশ্লেষণের মাধ্যমে আর্থিক বিবরণীগুলোর ব্যাখ্যা বিশ্লেষণ ও পর্যালোচনা অত্যন্ত গুরুত্বপূর্ণ বলে মনে করা হয়।

	ইউনিট সমাপ্তির সময়	ইউনিট সমাপ্তির সর্বোচ্চ সময় ২ সপ্তাহ
---	---------------------	---------------------------------------

এ ইউনিটে আছে :

- পাঠ-৮.১ : অনুপাত ও অনুপাত বিশ্লেষণের সংজ্ঞা, অনুপাত বিশ্লেষণের উদ্দেশ্য এবং প্রয়োজনীয়তা
- পাঠ-৮.২ : তারল্য অনুপাত ও এর ব্যাখ্যা - বিশ্লেষণ
- পাঠ-৮.৩ : লভ্যাংশ অনুপাত ও এর ব্যাখ্যা - বিশ্লেষণ
- পাঠ-৮.৪ : কর্মতৎপরতা অনুপাত ও এর ব্যাখ্যা - বিশ্লেষণ
- পাঠ-৮.৫ : মূলধন কাঠামো অনুপাত ও এর ব্যাখ্যা - বিশ্লেষণ

পাঠ-৮.১

অনুপাত ও অনুপাত বিশ্লেষণের সংজ্ঞা, অনুপাত বিশ্লেষণের উদ্দেশ্য এবং প্রয়োজনীয়তা



উদ্দেশ্য

এই পাঠ শেষে আপনি

- ☞ অনুপাত কাকে বলে তা লিখতে পারবেন
- ☞ অনুপাত বিশ্লেষণের সংজ্ঞা দিতে পারবেন
- ☞ অনুপাত বিশ্লেষণের উদ্দেশ্যাবলীর বর্ণনা দিতে পারবেন
- ☞ অনুপাত বিশ্লেষণের প্রয়োজনীয়তা উল্লেখ করতে পারবেন।

অনুপাতের সংজ্ঞা

মনে করুন, একটি প্রতিষ্ঠানের চলতি সম্পদের পরিমাণ ২,০০,০০০ টাকা এবং চলতি দায়ের পরিমাণ ১,০০,০০০ টাকা। সুতরাং এদের অনুপাত হবে $২,০০,০০০ : ১,০০,০০০ = ২ : ১$ অর্থাৎ ১টাকার চলতি দায়ের বিপরীতে ২ টাকার চলতি সম্পদ রয়েছে। অনুপাতের ক্ষেত্রে প্রাসঙ্গিকতা অপরিহার্য। যেমন, মানুষের সাথে মানুষের অনুপাত, অর্থের সাথে অর্থের অনুপাত, যন্ত্রের সাথে যন্ত্রের অনুপাত ইত্যাদি। সুতরাং পরস্পর প্রাসঙ্গিক দুটি বিষয়ের মধ্যে অন্তর্নিহিত সম্পর্কের সংখ্যাগত পরিমাপকে অনুপাত বলে। আমরা নিম্নে কিছু উল্লেখযোগ্য সংজ্ঞা উল্লেখ করলাম :

Webster's New Collegiate Dictionary তে বলা হয়েছে, “দুই বা ততোধিক বস্তুর মধ্যস্থিত সম্পর্কের তুলনার গাণিতিক ভাগফলের নির্দেশককে অনুপাত বলে”।

অধ্যাপক কেনেডির (Canady) মতে, “একটি বিষয়ের সাথে অন্য একটি বিষয়ের সম্পর্ককে যদি সরল গাণিতিক পদ্ধতিতে প্রকাশ করা হয়, তবে তাকে অনুপাত বলা হবে।”

Foulk এর মতে, “অনুপাত হলো একটি সংখ্যাবাচক অংক অথবা একটি শতকরা সম্পর্ক - অপরাপর ডলার পরিমাণের ভিত্তিতে কোন এক ডলার পরিমাণের তুলনা।”

আই. এম. পান্ডে (I.M. Pandey) বলেছেন, “দুটি আর্থিক চলকের সম্পর্ক হলো অনুপাত।”

Professor Khan and Jain (খান ও জেইন) এর মতে, $\frac{x}{y}$ দুটি চলকের মধ্যে পরিমাণগত বা সংখ্যিক সম্পর্ককে অনুপাত বলে।”

অধ্যাপক জে. জে. হ্যাম্পটন (Prof. John J. Hampton) এর মতে, $\frac{x}{y}$ অনুপাত হচ্ছে দুটি সংখ্যার মধ্যে স্থিরকৃত সম্পর্কের মাত্রা বা সংখ্যিক প্রকাশ।”

আমাদের আলোচনার বিষয় মূলতঃ হিসাব সংক্রান্ত বা আর্থিক অনুপাত যা আয়-ব্যয় বিবরণী ও উদ্বৃত্তপত্রের দফা সমূহের সাথে সম্পৃক্ত। সুতরাং আমরা বলতে পারি, কোন ব্যবসা প্রতিষ্ঠানের আয়-ব্যয় বিবরণী বা উদ্বৃত্তপত্রের বিভিন্ন দফার মধ্যকার সম্পর্কের সংখ্যাগত প্রকাশকে হিসাব সংক্রান্ত (Accounting-Ratio) অনুপাত বা আর্থিক অনুপাত (Financial - Ratio) বলে। যেমন : চলতি সম্পদের সাথে চলতি দায়ের অনুপাত, বিক্রয়ের সাথে মুনাফার অনুপাত ইত্যাদি। এ অনুপাত খাটি অনুপাত হতে পারে, যেমন : $২ : ১$, হার অনুপাত হতে পারে, যেমন : বছরে ৩ বার অথবা শতকরা অনুপাত হতে পারে, যেমনঃ ২০%, ২৫% ইত্যাদি। বস্তুতঃ এ অনুপাত দুটি বিষয়ের তুলনার জন্য ব্যবহৃত হয়।

অনুপাত বিশ্লেষণের সংজ্ঞা

আমরা অনুপাতের সংজ্ঞা পূর্বে জানতে পেরেছি। বিভিন্ন ধরনের অনুপাত রয়েছে যার মাধ্যমে আর্থিক বিবরণীগুলো পর্যালোচনা ও বিশ্লেষণ করে প্রতিষ্ঠানের আর্থিক সাফল্যের মাত্রা নিরূপণ করা যায়। আর এ প্রক্রিয়াই হলো অনুপাত বিশ্লেষণ। আপনি জানেন, আর্থিক বিবরণীগুলোতে যে সব দফা রয়েছে তার মধ্যে আছে পণ্য ক্রয়, পণ্য বিক্রয়, আয়-ব্যয়, লাভ-ক্ষতি, চলতি সম্পত্তি, স্থায়ী সম্পত্তি, মোট লাভ-ক্ষতি, মূলধন, দায় ইত্যাদি। এর একটির সাথে অন্যটির কার্যকারণ সম্পর্ক রয়েছে। এক দফার সাথে অন্য দফার এ কার্যকারণ সম্পর্ক নির্ণয় ও ব্যাখ্যা বিশ্লেষণের জন্য যখন অনুপাতকে ব্যবহার করা হয় তখন তাকে অনুপাত বিশ্লেষণ বলা হয়। অধিকাংশ ব্যবসা প্রতিষ্ঠান এ পদ্ধতিতে আর্থিক বিবরণী বিশ্লেষণ করে থাকে। নিম্নে কয়েকটি উল্লেখযোগ্য সংজ্ঞা দেয়া হলো :

I.M. Pandey বলেছেন, “অনুপাত বিশ্লেষণ হলো একটি প্রক্রিয়া যা একটি প্রতিষ্ঠানের আর্থিক সফলতা ও দুর্বলতা নির্দেশ করে।”

Khan & Jain বলেন, “অনুপাত বিশ্লেষণ হলো নিয়মতান্ত্রিকভাবে অনুপাতের ব্যবহার যার সাহায্যে আর্থিক প্রতিবেদনের ব্যাখ্যা করে একটি প্রতিষ্ঠানের সবলতা, দুর্বলতা, ঐতিহাসিক দক্ষতা ও বর্তমান আর্থিক অবস্থা নিরূপণ করা

যায়।”

আই. এম. পাণ্ডে আরো বলেছেন, “অনুপাত বিশ্লেষণ বিপুল পরিমাণ আর্থিক তথ্যকে সংক্ষিপ্তাকারে প্রকাশ এবং ফার্মের আর্থিক দক্ষতার গুণগত মান বিচার করতে সাহায্য করে।”

সুতরাং আমরা বলতে পারি, কোন ব্যবসা প্রতিষ্ঠানের আর্থিক বিবরণীর বিভিন্ন দফার মধ্যকার কার্যকারণ সম্পর্ক নির্ধারণ, ব্যাখ্যা-বিশ্লেষণ ও তা উপস্থাপনের জন্য অনুপাতকে যখন পর্যালোচনা বা বিচার-বিশ্লেষণের মাধ্যম হিসেবে ব্যবহার করা হয় তখন তাকে অনুপাত বিশ্লেষণ বলে।

তবে এ ক্ষেত্রে একটি তুল্য মানের সাথে তুলনা করে ব্যবসার সফলতা বা ব্যর্থতার মাত্রা নিরূপণ করা হয়। এজন্য কখনও বিভিন্ন সম্পর্কযুক্ত বিষয়ের একটি আদর্শ অনুপাত নির্ধারণ করা হয়। যেমন : চলতি অনুপাতের আদর্শ মান ২ : ১। আবার কখনো ঐতিহাসিক অনুপাত বা শিল্প গড় (Historical Ratio or Industry Average) কে তুল্য অনুপাত হিসেবে ধরা হয়। যেমন, ২০০১ সালে নীট লাভ ছিল বিক্রয়ের ২০% এবং ২০০২ সালে হলো ২৫%। এতে বলা যায়, প্রতিষ্ঠানের লাভার্জন ক্ষমতা বৃদ্ধি পাচ্ছে এবং প্রতিষ্ঠানের অবস্থা ভাল।

অনুপাত বিশ্লেষণের উদ্দেশ্যাবলী :

একটি ব্যবসা প্রতিষ্ঠানের কার্যাবলীর সফলতা-ব্যর্থতার সাথে প্রতিষ্ঠানের অভ্যন্তরীণ ও বাইরের অনেক পক্ষের স্বার্থ জড়িত থাকে। যেমন, প্রতিষ্ঠানের মালিক, ব্যবস্থাপনা কর্তৃপক্ষ, কর্মকর্তা, কর্মচারী, পাওনাদার, দেনাদার, সরকার, নিরীক্ষক, গবেষক প্রভৃতি ব্যক্তি বা প্রতিষ্ঠান ব্যবসার প্রকৃত অবস্থা জানতে আগ্রহী থাকে। এজন্য আর্থিক বিবরণীসমূহ তথা ক্রেয়-বিক্রেয় হিসাব, লাভ-ক্ষতি হিসাব, লাভ-ক্ষতি বন্টন হিসাব, তহবিল প্রবাহ বিবরণী, উদ্বৃত্তপত্র ইত্যাদি বিভিন্ন স্বার্থ সংশ্লিষ্ট পক্ষের চাহিদার আলোকে এ অনুপাত বিশ্লেষণের মাধ্যমে বিশ্লেষণ করা হয়। আর্থিক বিবরণী বা অনুপাত বিশ্লেষণের মূখ্য উদ্দেশ্যাবলী নিম্নে আলোচিত হলো :

১. তারল্য যাচাই :- তারল্য বলতে স্বল্প মেয়াদী ঋন পরিশোধের ক্ষমতাকে বুঝায়। অনুপাত বিশ্লেষণের অন্যতম উদ্দেশ্য হলো ব্যবসার স্বল্প মেয়াদী ঋন পরিশোধের ক্ষমতা আছে কিনা তা যাচাই করা।
২. কর্মদক্ষতা যাচাই : কর্মদক্ষতা সম্পদ ব্যবস্থাপনার সাথে সম্পৃক্ত। বিভিন্ন সম্পদের সাথে বিক্রয়ের সম্পর্ক নির্ধারণ করে কোন প্রতিষ্ঠানের কর্মতৎপরতা যাচাই করা যায়। অনুপাত বিশ্লেষণের অন্যতম মূখ্য উদ্দেশ্য হলো প্রতিষ্ঠানের কর্ম দক্ষতা যাচাই করা।
৩. মুনাফার্জন ক্ষমতা যাচাই : মুনাফা ব্যবসার মূল লক্ষ্য। কোন প্রতিষ্ঠান টিকে থাকার মাধ্যম হলো মুনাফার্জন। অনুপাত বিশ্লেষণের মাধ্যমে মুনাফার্জন ক্ষমতা নিরূপণ করা যায়। সুতরাং মুনাফার্জন ক্ষমতা যাচাই এর অন্যতম মূখ্য উদ্দেশ্য।
৪. মূলধন কাঠামো যাচাই : মূলধন কাঠামো বলতে ইকুইটি, ঋণ বা এতদোভয়ের সংমিশ্রণকে বুঝায়। ঋণের সাথে ঝুঁকি জড়িত। অধিক লাভের ক্ষেত্রে ঝুঁকি গ্রহণ খারাপ নয়। শুধু মাত্র ইকুইটি আবার রক্ষণশীলতার পরিচায়ক। মূলধন কাঠামো এজন্য একটি কাম্য সংমিশ্রণে হওয়া উচিত। অনুপাত বিশ্লেষণের মাধ্যমে এর কাম্যতার মাত্রা জানা যায়। তাই অনুপাত বিশ্লেষণের অন্যতম মূখ্য উদ্দেশ্য হল প্রতিষ্ঠানের মূলধন কাঠামো যাচাই।
৫. দীর্ঘমেয়াদী আর্থিক স্বচ্ছলতা বিশ্লেষণ : কিছু অনুপাত বিশ্লেষণের মাধ্যমে প্রতিষ্ঠানের দীর্ঘমেয়াদী আর্থিক স্বচ্ছলতা কেমন তা জানা যায়। তাই অনুপাত বিশ্লেষণের মৌলিক উদ্দেশ্যের অন্যতম হলো প্রতিষ্ঠানের দীর্ঘমেয়াদী আর্থিক স্বচ্ছলতা বিশ্লেষণ।
৬. প্রতিযোগিতায় টিকে থাকার ক্ষমতা যাচাই : ব্যবসা একটি প্রতিযোগিতার ক্ষেত্র। শিল্প গড় বা আদর্শ মানের সাথে প্রতিষ্ঠানের অর্জিত ফলাফলের কয়েকটি অনুপাত বিশ্লেষণ করলে প্রতিষ্ঠানের টিকে থাকার ক্ষমতা জানা যায়। সুতরাং প্রতিযোগিতায় টিকে থাকার ক্ষমতা যাচাই করাও অনুপাত বিশ্লেষণের উদ্দেশ্য।
৭. সম্পদের কাম্য ব্যবহার বিশ্লেষণ : সম্পদ যত ভাল ব্যবহার হবে প্রতিষ্ঠানের লাভজনকতা তত বৃদ্ধি পাওয়ার সম্ভাবনা থাকবে। অলস সম্পদ কখনো লাভার্জনে সহায়ক নয়। কিছু অনুপাত বিশ্লেষণের মাধ্যমে সম্পদ কাম্য মানে ব্যবহার হচ্ছে কিনা তা জানা যায়। তাই সম্পদের কাম্য ব্যবহার বিশ্লেষণ অনুপাত বিশ্লেষণের অন্যতম মৌলিক উদ্দেশ্য।
৮. ব্যবস্থাপনার দক্ষতা যাচাই : ব্যবস্থাপনা ভাল হলে প্রতিষ্ঠানের উত্তোরত্তর উন্নতি হয়। পরিবর্তনশীল অবস্থার সাথে ব্যবস্থাপনা সামঞ্জস্য বজায় রেখে সিদ্ধান্ত গ্রহণ করে। তাই অনুপাত বিশ্লেষণের উদ্দেশ্য হল ব্যবস্থাপনার দক্ষতা যাচাই করা।
৯. প্রতিষ্ঠানের সার্বিক অবস্থা মূল্যায়ন : মালিক, বিনিয়োগকারী, কর্মকর্তা-কর্মচারী, ঋণদাতা প্রভৃতি পক্ষ প্রতিষ্ঠানের সার্বিক অবস্থা জানতে চায়। অনুপাত বিশ্লেষণে প্রতিষ্ঠানের সার্বিক মূল্যায়ন করা যায়। অতএব, অনুপাত বিশ্লেষণের অন্যতম উদ্দেশ্য হলো প্রতিষ্ঠানের সার্বিক অবস্থা মূল্যায়ন করা।

অনুপাত বিশ্লেষণের প্রয়োজনীয়তা

আপনি জানেন আর্থিক বিবরণীগুলোতে প্রতিষ্ঠানের ক্রয়-বিক্রয়, আয়-ব্যয়, মোট -নীট লাভ/ক্ষতি, চলতি ও দীর্ঘমেয়াদী দায়-দেনা, স্থায়ী ও চলতি সম্পদ, মূলধন কাঠামো ইত্যাদির প্রাথমিক ধারণা দেয়া থাকে। ব্যবসার সাথে বিভিন্ন স্বার্থ সংশ্লিষ্ট পক্ষ থাকে যারা ব্যবসার প্রকৃত অবস্থা কারণসহ জানতে চায়। এজন্য আর্থিক বিবরণী-বিশ্লেষণ দরকার। অনুপাত বিশ্লেষণ এর অন্যতম সর্বজন প্রিয়/সার্বজনীন মাধ্যম ও ব্যবস্থাপনীয় কৌশল। এর মাধ্যমে প্রতিষ্ঠানের প্রকৃত অবস্থা (উন্নতি/অবনতি) জানা যায়। তাই এর গুরুত্ব অপরিসীম। নিম্নে এর গুরুত্ব আলোচনা করা হলো :

১. ব্যবস্থাপনার ক্ষেত্রে (To Management) :- ব্যবস্থাপনার জন্য ব্যবসার প্রকৃত অবস্থা জানা একান্ত দরকার যাতে উন্নত এবং সংশোধনমূলক সুন্দর সিদ্ধান্ত গ্রহণ করা যায়। এক্ষেত্রে অনুপাত বিশ্লেষণ বিরাট ভূমিকা রাখতে পারে যা নিম্নে আলোচিত হলো।
 - ক. পরিকল্পনা প্রণয়ন : আর্থিক বিবরণীতে অতীত তথ্য থাকে। অনুপাত বিশ্লেষণের মাধ্যমে অতীতের এ তথ্য থেকে কোথায় প্রতিষ্ঠানের দুর্বলতা তা জানা যায়। যেমন, দেখা গেল চলতি অনুপাত আদর্শ অনুপাতের চেয়ে কম। সুতরাং কাম্য মানে চলতি সম্পদ রেখে ব্যবস্থাপনা ভবিষ্যতে সুন্দর ব্যবস্থা নিতে পারে। সুতরাং সুন্দর পরিকল্পনা প্রণয়নের জন্য অনুপাত বিশ্লেষণ প্রয়োজনীয়।
 - খ. সিদ্ধান্ত গ্রহণ : সুষ্ঠু সিদ্ধান্ত গ্রহণ অগ্রগতির মূল সোপান। প্রতিষ্ঠানের প্রকৃত অবস্থা না জানলে সুষ্ঠু সিদ্ধান্ত গ্রহণ সম্ভব নয়। অনুপাত বিশ্লেষণের মাধ্যমে প্রতিষ্ঠানের প্রকৃত অবস্থা ফুটে ওঠে। এজন্য অনুপাত বিশ্লেষণ গুরুত্বপূর্ণ।
 - গ. নিয়ন্ত্রণ : নিয়ন্ত্রণ করতে হলে আদর্শ পরিমাণের সাথে প্রকৃত অবস্থা তুলে ধরতে সাহায্য করে। তাই সঠিক নিয়ন্ত্রণের জন্য অনুপাত বিশ্লেষণ একান্ত দরকার।
 - ঘ. সামগ্রিক দক্ষতা যাচাই : প্রতিষ্ঠানের দক্ষতা যাচাই করে দুর্বলতা চিহ্নিত করে সঠিক সিদ্ধান্তের মাধ্যমে নিয়ন্ত্রণমূলক ব্যবস্থা গ্রহণ করা ব্যবস্থাপনার মূল কাজ, এতে প্রতিষ্ঠান উন্নত হয়। আর এ দক্ষতা যাচাইয়ের কাজ করে অনুপাত বিশ্লেষণ। সুতরাং সামগ্রিক দক্ষতা যাচাইয়ের জন্য অনুপাত বিশ্লেষণ একান্ত প্রয়োজনীয়।
২. বিনিয়োগকারীদের ক্ষেত্রে (To the Investors) : যে প্রতিষ্ঠানের লাভ অর্জন ক্ষমতা বেশী বিনিয়োগকারীরা সে প্রতিষ্ঠানের দিকে বেশী গুরুত্ব দেয়। অনুপাত বিশ্লেষণের মাধ্যমে লাভার্জন ক্ষমতা জানা যায়। সুতরাং বিনিয়োগকারীদের সিদ্ধান্ত গ্রহণের ক্ষেত্রে অনুপাত বিশ্লেষণ অত্যন্ত গুরুত্বপূর্ণ ভূমিকা রাখে।
৩. ঋণদাতাদের ক্ষেত্রে (To the Creditors) : ঋণদাতারা ঋণ দানের পূর্বে প্রতিষ্ঠানে মূলধন কাঠামো ও ঋণ-মূলধন অনুপাত কেমন তা জানতে চায়। অনুপাত বিশ্লেষণের মাধ্যমে এটা ভালভাবে জানা যায়। সুতরাং ঋণদাতাদের সিদ্ধান্ত গ্রহণের ক্ষেত্রে অনুপাত বিশ্লেষণ বিশেষ ভূমিকা রাখতে পারে।
৪. সরবরাহকারীদের ক্ষেত্রে (To the Suppliers) : পাওনাদার ও সরবরাহকারীরা প্রতিষ্ঠানের চলতি দেনা পরিশোধের ক্ষমতা আছে কিনা তা যাচাই করে ধরে পণ্য বিক্রয় করা - না করার সিদ্ধান্ত নেয়। অনুপাত বিশ্লেষণ চলতি দেনা পরিশোধের ক্ষমতা আছে কি না তা জানতে সাহায্য করে। এ জন্য সরবরাহকারীদের জন্য অনুপাত বিশ্লেষণ প্রয়োজনীয়।
৫. কর কর্তৃপক্ষের ক্ষেত্রে (To Tax Authority) : কর ধার্য করতে হলে উপার্জন ক্ষমতা যাচাই করা দরকার হয়। অনুপাত বিশ্লেষণের মাধ্যমে উপার্জন ক্ষমতা যাচাই করা যায়। সুতরাং কর কর্তৃপক্ষের কর ধার্যের সিদ্ধান্তের জন্য অনুপাত বিশ্লেষণ প্রয়োজনীয়।
৬. ব্যয় নিরূপণ ও খরচ নিয়ন্ত্রণ (Cost Determination and Cost Control) : অনুপাত বিশ্লেষণ কাঁচামাল, মজুরী, উপরি খরচ ইত্যাদির মধ্যকার পারস্পরিক সম্পর্ক ও পরিমাণ নির্ণয়ে সাহায্য করে। আদর্শ খরচ ও প্রকৃত খরচের মধ্যে তুলনা করে ব্যয় নিয়ন্ত্রণের ব্যবস্থা নিতে হয়। এ তুলনার জন্য অনুপাত বিশ্লেষণ করা দরকার হয়। তাই এটার গুরুত্ব রয়েছে।
৭. আন্তঃ বিভাগ ও আন্তঃ প্রতিষ্ঠান তুলনা (Inter-Department and Intra-Firm Comparison) : অনুপাত বিশ্লেষণের মাধ্যমে একটি প্রতিষ্ঠানের বিভিন্ন বিভাগ ও সমজাতীয় অন্যান্য প্রতিষ্ঠানের সাথে তুলনা করে প্রতিটি বিভাগ বা প্রতিষ্ঠানের সাফল্য-ব্যর্থতা বা সবলতা-দুর্বলতা নির্ণয় করা যায়। আন্তঃ বিভাগ ও প্রতিষ্ঠানের গত বছরগুলির সাফল্যের সাথে বর্তমান বছরের সাফল্যও অনুপাত বিশ্লেষণের মাধ্যমে তুলনা করা যায়। এজন্য অনুপাত বিশ্লেষণ গুরুত্বপূর্ণ।



সারসংক্ষেপ

পরস্পর সম্পর্কযুক্ত দুটি বিষয়ের মধ্যকার অন্তর্নিহিত সম্পর্কের সংখ্যাগত পরিমাপকে অনুপাত বলে। আর কোন প্রতিষ্ঠানের আর্থিক বিবরণীর বিভিন্ন দফার মধ্যকার কার্যকারণ সম্পর্ক নির্ধারণ, বিশ্লেষণ ও তা উপস্থাপনের জন্য অনুপাতকে যখন মাধ্যম হিসেবে ব্যবহার করা হয় তখন তাকে অনুপাত বিশ্লেষণ বলা হয়। এ বিশ্লেষণের মাধ্যমে ব্যবসার প্রকৃত অবস্থা ফুটে উঠে। অনুপাত বিশ্লেষণের অনেক উদ্দেশ্য রয়েছে, তন্মধ্যে তারল্য যাচাই, কর্মদক্ষতা যাচাই, মুনাফার্জন ক্ষমতা যাচাই, মূলধন কাঠামো যাচাই, দীর্ঘমেয়াদী স্বচ্ছলতা যাচাই, প্রতিযোগিতায় টিকে থাকার ক্ষমতা যাচাই এবং প্রতিষ্ঠানের সার্বিক অবস্থা মূল্যায়ন অন্যতম। ব্যবস্থাপনার প্রয়োজনে, বিনিয়োগকারীদের প্রয়োজনে, ঋণদাতাদের প্রয়োজনে, সরবরাহকারীদের প্রয়োজনে, কর কর্তৃপক্ষের প্রয়োজনে ব্যয় নিয়ন্ত্রণের প্রয়োজনে এবং আন্তঃবিভাগ ও প্রতিষ্ঠান তুলনার জন্য অনুপাত বিশ্লেষণ একান্ত দরকার।



পাঠোত্তর মূল্যায়ন ৮.১

নৈর্ব্যক্তিক প্রশ্ন

১. কোন উত্তরটি সঠিক?

- ক. দুটি বিষয়ের সম্পর্কের পরিমাপকে অনুপাত বলে; খ. দুটি বিষয়ের ভাগফলকে অনুপাত বলে;
 গ. পরস্পর প্রাসঙ্গিক দুটি বিষয়ের মধ্যকার সম্পর্কের সংখ্যিক পরিমাপকে অনুপাত বলে;
 ঘ. অনুপাত একটি ডলার পরিমাপের তুলনা।

২. কোন উত্তরটি সঠিক?

- ক. আয়-ব্যয়ের কার্যকারণ সম্পর্ককে অনুপাত বিশ্লেষণ বলে;
 খ. আর্থিক বিবরণীর এক দফার সাথে অন্য দফার কার্যকারণ সম্পর্ক নির্ণয় ও ব্যাখ্যায় অনুপাতের ব্যবহারকে অনুপাত বিশ্লেষণ বলে;
 গ. প্রতিষ্ঠানের সফলতা-ব্যর্থতা নির্দেশ করাকে অনুপাত বলে;
 ঘ. আর্থিক বিবরণী ব্যাখ্যা করাকে অনুপাত বিশ্লেষণ বলে।

৩. কোনটি অনুপাত বিশ্লেষণের উদ্দেশ্য নয়?

- ক. কর্মদক্ষতা যাচাই; খ. মূলধন কাঠামো যাচাই;
 গ. মালিকদের সম্পর্ক যাচাই; ঘ. মুনাফার্জন ক্ষমতা যাচাই।

৪. কোনটি অনুপাত বিশ্লেষণের প্রয়োজনীয়তার আওতায় পড়ে না?

- ক. দেনা-পাওনা নির্ণয়; খ. সিদ্ধান্ত গ্রহণ;
 গ. ব্যয় নিয়ন্ত্রণ; ঘ. আন্তঃ বিভাগ তুলনা।

৫. প্রতিষ্ঠানের তারল্যতা নির্দেশ করে-

- i. চলতি অনুপাত ii. মোট লাভ অনুপাত iii. ত্বরিত অনুপাত
 কোনটি সঠিক?
 ক. i ও ii খ. i ও iii গ. ii ও iii ঘ. i, ii ও iii

৬. প্রতিষ্ঠানের উপার্জন ক্ষমতা নির্দেশ করে-

- i. মোট লাভের অনুপাত ii. নিট লাভের অনুপাত iii. কার্যকরী মূলধন অনুপাত
 কোনটি সঠিক?
 ক. i ও ii খ. i ও iii গ. ii ও iii ঘ. i, ii ও iii

৭. প্রতিষ্ঠানের স্বচ্ছলতা নির্দেশ করে-

- i. বিনিয়োগিত মূলধনের আয় অনুপাত
 ii. দায়-মালিকানা অনুপাত iii. নিট মালিকানা মোট সম্পত্তি অনুপাত
 কোনটি সঠিক?
 ক. i ও ii খ. i ও iii গ. ii ও iii ঘ. i, ii ও iii

পাঠ-৮.২ তারল্য অনুপাত ও এর ব্যাখ্যা বিশ্লেষণ



উদ্দেশ্য

এ পাঠ শেষে আপনি-

- ☞ তারল্য অনুপাত কাকে বলে তা লিখতে পারবেন
- ☞ তারল্য অনুপাতগুলোর ব্যাখ্যা-বিশ্লেষণ করতে পারবেন।

তারল্য অনুপাতের সংজ্ঞা

একটি ব্যবসা প্রতিষ্ঠান তার দৈনন্দিন কার্য স্বচ্ছলভাবে আঞ্জাম দিতে পারছে কিনা, স্বল্প মেয়াদী পাওনা-পরিশোধে সক্ষম কিনা ইত্যাদি স্বল্প মেয়াদী পাওনাদাররা জানতে আগ্রহী থাকে। সুতরাং স্বল্প মেয়াদী ও তাৎক্ষণিক স্বচ্ছলতা যাচাইয়ের জন্য যে অনুপাতের ব্যবহার হয় তাকে তারল্য অনুপাত বলে। একটি প্রতিষ্ঠান তার স্বল্পমেয়াদী দায়-দেনা যথাসময়ে পরিশোধ করতে সক্ষম কিনা তা তারল্য অবস্থা থেকে অবগত হওয়া যায়। এটার অর্থ এই নয় যে তারল্য অনুপাতগুলো আদর্শ অনুপাতের চেয়ে বেশী হলেই যে ফার্মের অবস্থা ভাল তা বলা যাবে না। কারণ স্বল্পমেয়াদী বা চলতি সম্পদ এত বেশী রাখা ঠিক নয় যাতে সম্পদ অলস পড়ে থাকে। আবার স্থায়ী সম্পত্তিতে অতিমাত্রায় বিনিয়োগও বিপদজনক। তাই তারল্য ও বিনিয়োগের মাধ্যমে কাম্য উপার্জন এ দুয়ের মধ্যে সামঞ্জস্য বজায় রাখতে হবে। তারল্য পরিমাপের জন্য মূলতঃ ৩টি অনুপাতের ব্যবহার দেখা যায়। নিম্নে তাদের আলোচনা করা হবে।

তারল্য অনুপাতগুলির বর্ণনা ও ব্যাখ্যা

তারল্য অনুপাতগুলির মাধ্যমে প্রতিষ্ঠানের স্বল্পমেয়াদী পাওনাদারদের পাওনা পরিশোধ ক্ষমতা যাচাই করা যায়। নিম্নে অনুপাতগুলোর বর্ণনা ও ব্যাখ্যা দেয়া হলো :

১. চলতি অনুপাত(Current Ratio) : ব্যবসা প্রতিষ্ঠানে কিছু চলতি সম্পদ থাকে, যেমন : নগদ জমা, ব্যাংক জমা উদ্বৃত্ত, স্বল্পমেয়াদী সিকিউরিটি, মজুদ মাল, অগ্রিম খরচ, দেনাদার, প্রাপ্য বিল ইত্যাদি এবং কিছু চলতি দায় থাকে, যেমন : বিবিধ পাওনাদার, প্রদেয় বিল, স্বল্প মেয়াদী ব্যাংক ঋণ, ব্যাংক ওভারড্রাফট, বকেয়া খরচ, ঘোষণা দেয়া ডিভিডেন্ড, আয়কর সঞ্চিতি ইত্যাদি। চলতি সম্পদ ও দায় বলতে যে সমস্ত সম্পদ ১ বছরের মধ্যে সুবিধা প্রদান করে এবং যে সব দায় ১ বছরের মধ্যে পরিশোধ করতে হয় এমন সম্পদও দায়কে বুঝায়। চলতি সম্পদগুলোর যোগফলকে চলতি দায়গুলোর যোগফল দ্বারা ভাগ করলে যে অনুপাত পাওয়া যায় তাকে চলতি অনুপাত বলে। যেমন : ধরুন একটি প্রতিষ্ঠানের নগদ তহবিল আছে ১,০০,০০০ টাকা, ব্যাংক উদ্বৃত্ত আছে ২,০০,০০০ টাকা, মজুদ পণ্য আছে ১,০০,০০০ টাকা এবং বিবিধ দেনাদার আছে ১,০০,০০০ টাকা। অন্যদিকে, বিবিধ পাওনাদার আছে ৫০,০০০ টাকা প্রদেয় বিল আছে ১,০০,০০০ টাকা, ব্যাংক ঋণ আছে ৫০,০০০ টাকা এবং বকেয়া খরচ আছে ২৫,০০০ টাকা। সুতরাং দেখা যাচ্ছে, এখানে মোট চলতি সম্পদ আছে ৫,০০,০০০ টাকা এবং চলতি দায় আছে ২,২৫,০০০ টাকা।

$$\begin{aligned} \therefore \text{চলতি অনুপাত হবে} &= \frac{\text{চলতি সম্পদ}}{\text{চলতি দায়}} \\ &= \frac{৫,০০,০০০}{২,২৫,০০০} \\ &= ২.২২ : ১ \end{aligned}$$

ব্যাখ্যা : চলতি অনুপাত দ্বারা চলতি সম্পদ দিয়ে চলতি দায় মেটানোর ক্ষমতা আছে কিনা তা নির্দেশ করে। ইহা প্রতিষ্ঠানের স্বল্প মেয়াদী স্বচ্ছলতার প্রতীক। চলতি অনুপাত যত বেশী হবে ততই প্রতিষ্ঠানের স্বল্পমেয়াদী স্বচ্ছলতা বেশী আছে বলে ধরা হবে। সাধারণত, ২ঃ১ কে চলতি অনুপাতের আদর্শ অনুপাত হিসেবে ধরা হয়। তবে এ ক্ষেত্রে শিল্প গড় বা আস্তঃ প্রতিষ্ঠানের জন্য অন্য তুল্য অনুপাতও নির্ধারিত থাকতে পারে। চলতি সম্পদ সব নগদে থাকে না কিন্তু চলতি দায় চাহিদা মাত্র বা নির্দিষ্ট সময়ে পরিশোধ করতে হয়। এজন্য চলতি দায়ের চেয়ে সম্পদ বেশী রাখতে হয়, যাতে তা দ্রুত

নগদে রূপান্তর করে দায় পরিশোধ করে দৈনন্দিন কাজও চালানো যায়। অত্যধিক চলতি সম্পদ রাখা কিন্তু ঠিক নয়, কারণ এতে সম্পদ অলস থেকে যাওয়ার সম্ভাবনা থাকে। আবার এর স্বল্পতাও প্রতিষ্ঠানকে স্থবির করে ফেলতে পারে। এজন্য কাম্য পর্যায়ে এর ব্যবহার করতে হবে। ব্যাখ্যায় প্রতিষ্ঠানের অবস্থা ভাল বলা যায়।

২. তড়িত/দ্রুত/এসিড টেস্ট অনুপাত (Quick or Acid Test Ratio) : আপনি জানেন, সব চলতি সম্পদ চলতি দায় পরিশোধে সমান সাড়া দিতে পারে না। যেমন, নগদ ও ব্যাংক জমা যত দ্রুত দায় পরিশোধে সক্ষম, মজুদ পণ্য অত দ্রুত দায় পরিশোধে সক্ষম সম্পদ নয়। এমনিভাবে কিছু সম্পত্তি আছে যা চলতি সম্পদ হলেও তা নগদে রূপান্তর করতে সময় লাগে এবং একটি প্রক্রিয়া শেষ করে নগদে রূপান্তরিত হয়। এজন্য আর্থিক বিশ্লেষকর স্বল্প মেয়াদী স্বচ্ছলতা নিখুঁতভাবে পরিমাপ করার জন্য যে অনুপাতকে ব্যবহার করেছেন তাকে দ্রুত অনুপাত বলে। এ ক্ষেত্রে চলতি সম্পদ থেকে মজুদ পণ্য ও অগ্রিম খরচ বাদ দেয়া হয়। এ বিয়োগফলকে তড়িত বা তরল সম্পদ বলা হয় (Liqued Asset)। সাধারণতঃ তড়িত সম্পদকে চলতি দায় দ্বারা ভাগ করে দ্রুত অনুপাত বের করা হয়। তবে কেউ কেউ চলতি দায়ের মধ্যে ব্যাংক জমাতিরিক্ত বা Overdraft অত দ্রুত পরিশোধযোগ্য দায় নয় বলে ধরে চলতি দায় থেকে একে বিয়োগ করে তড়িত দায় নাম দিয়েছেন। আর তড়িত সম্পদকে তড়িত দায় দিয়ে ভাগ করে তড়িত/দ্রুত অনুপাত বের করেছেন। যেমন : ধরুন, একটি প্রতিষ্ঠানের উদ্বৃত্তপত্রে নগদ তহবিল আছে ১,৫০,০০০ টাকা, ব্যাংক জমা উদ্বৃত্ত আছে ২,০০,০০০ টাকা, মজুদ পণ্য আছে ১,০০,০০০ টাকা এবং অগ্রিম খরচ আছে ৫০,০০০ টাকা। অন্যদিকে পাওনাদার আছে ১,০০,০০০ টাকা, প্রদেয় বিল আছে ২,০০,০০০ টাকা, ব্যাংক ওভারড্রাফট আছে ৫০,০০০ টাকা, এখানে চলতি সম্পদ আছে ৫,০০,০০০ টাকা এবং চলতি দায় আছে ৩,৫০,০০০ টাকা। কিন্তু তড়িত সম্পদ আছে (৫,০০,০০০-১,৫০,০০০) টাকা= ৩,৫০,০০০ টাকা এবং তড়িত দায় আছে (৩,৫০,০০০-৫০,০০০) টাকা= ৩,০০,০০০ টাকা।

$$\begin{aligned} \therefore \text{দ্রুত অনুপাত} &= \frac{\text{চলতি সম্পদ} - (\text{মজুদ পণ্য} + \text{অগ্রিম খরচ})}{\text{চলতি দায় বা তড়িত দায়}} \\ &= \frac{৫,০০,০০০ - (১,০০,০০০ + ৫০,০০০)}{৩,৫০,০০০ \text{ অথবা } (৩,৫০,০০০ - ৫০,০০০)} \\ &= \frac{৩,৫০,০০০}{৩,৫০,০০০} \text{ অথবা } \frac{৩,৫০,০০০}{৩,৫০,০০০} = ১:১ \text{ বা } ১.১৭:১ \end{aligned}$$

$$\text{এখানে দ্রুত অনুপাত} = \frac{\text{তড়িত সম্পদ}}{\text{চলতি দায়}} \text{ বা } \frac{\text{তড়িত সম্পদ}}{\text{তড়িত দায়}}$$

ব্যাখ্যা : দ্রুত অনুপাত তারল্য নির্ণয়ে বা স্বল্পমেয়াদী স্বচ্ছলতা প্রকাশের একটি কঠোর মাধ্যম। এক্ষেত্রে যে সব সম্পদ চলতি দায় পরিশোধে দ্রুত সাড়া দিতে পারে সেগুলোকে ব্যবহার করা হয়। এ অনুপাত দ্বারা ১টাকা চলতি বা দ্রুত দায়ে বিপরীতে কত টাকার দ্রুত/তড়িত সম্পদ আছে তা নির্দেশ করে। এর একটি সুফল হলো, এর মাধ্যমে চলতি সম্পদে বেশী টাকার মজুদ পণ্য আটক রেখে প্রতিষ্ঠানের অবস্থা ভাল দেখানোর প্রবণতা দূর হয়। দ্রুত অনুপাত ১:১ কে আদর্শ অনুপাত হিসেবে ধরা হয়। তবে এক্ষেত্রেও শিল্পগড় বা অন্য অনুপাতকে তুল্য হিসাবে ধরার ব্যবস্থা থাকতে পারে। ব্যাখ্যায় প্রতিষ্ঠানের অবস্থা ভাল।

৩. চলতি মূলধন বা কার্যকরী মূলধন অনুপাত (Working Capital Ratio) : ব্যবসার চলতি বা কার্যকরী মূলধনের সাথে চলতি দায়ের সম্পর্কে চলতি মূলধন অনুপাত বলে। চলতি মূলধন বলতে চলতি সম্পদ থেকে চলতি দায় বাদ দিলে যে অর্থ অবশিষ্ট থাকে তাকে বুঝায়। চলতি মূলধন দৈনন্দিন কার্য পরিচালনার ক্ষেত্রে স্বচ্ছলতা আনয়ন করে। পূর্বের উদাহরণ থেকে পাই,

$$\begin{aligned} \text{চলতি মূলধন অনুপাত} &= \frac{\text{চলতি সম্পদ} - \text{চলতি দায়}}{\text{চলতি দায়}} \\ (\text{কার্যকরী মূলধন}) & \\ &= \frac{\text{চলতি মূলধন}}{\text{চলতি দায়}} \end{aligned}$$

$$= \frac{৫,০০,০০০ - ৩,৫০,০০০}{৩,৫০,০০০}$$

$$= \frac{১,৫০,০০০}{৩,৫০,০০০}$$

$$= ০.৪৩ : ১$$

ব্যাখ্যা : চলতি মূলধন অনুপাত প্রতিষ্ঠানের দৈনন্দিন কার্য পরিচালনার ক্ষমতা নির্দেশ করে। এ অনুপাতের উচ্চ হার অলস তহবিল নির্দেশ করে এবং নিম্নহার তারল্য সংকট নির্দেশ করে।

চলতি মূলধন অনুপাত ১ঃ১ কে আদর্শ অনুপাত হিসেবে ধরা হয়। তবে এক্ষেত্রেও শিল্প গড় অন্য তুল্য গড় থাকতে পারে। উদাহরণের প্রতিষ্ঠান এক্ষেত্রে তারল্য সংকটে আছে বলে মনে হয়।

উদাহরণ - ১

জাওয়াদ এন্ড কোং লিঃ এর নিম্নোক্ত আর্থিক বিবরণী দেওয়া হলো:

উদ্বৃত্তপত্র
৩১ ডিসেম্বর ২০০২

মূলধন ও দায়	টাকা	সম্পত্তি	টাকা
শেয়ার মূলধন	৬,০০,০০০	স্থায়ী সম্পত্তি	৭,০০,০০০
সঞ্চিতি	২,০০,০০০	মজুদ পণ্য	১,৬০,০০০
১০% ঋণপত্র	১,০০,০০০	বিবিধ দেনাদার	১,২০,০০০
বিবিধ পাওনাদার	১,০০,০০০	নগদ জমা	৪০,০০০
লাভ-ক্ষতি হিসাব (নীট লাভ)	৫০,০০০	ব্যাংক উদ্বৃত্ত	৩০,০০০
	১০,৫০,০০০		১০,৫০,০০০

করণীয় :

- চলতি অনুপাত নির্ণয় করুন এবং মন্তব্য লিখুন।
- দ্রুত অনুপাত নির্ণয় করুন এবং মন্তব্য লিখুন।
- কার্যকরী অনুপাত নির্ণয় করুন এবং মন্তব্য লিখুন।

সমাধান

ক.

জাওয়াদ এন্ড কোং লিঃ এর চলতি সম্পদ =

$$\begin{aligned} \text{মজুদ পণ্য} &= ১,৬০,০০০ \text{ টাকা} \\ \text{বিবিধ দেনাদার} &= ১,২০,০০০ \text{ টাকা} \\ \text{নগদ জমা} &= ৪০,০০০ \text{ টাকা} \\ \text{ব্যাংক জমা} &= ৩০,০০০ \text{ টাকা} \\ \hline &= ৩,৫০,০০০ \text{ টাকা} \end{aligned}$$

উক্ত কোং এর চলতি দায় = বিবিধ পাওনাদার = ১,০০,০০০ টাকা।

∴ জাওয়াদ এন্ড কোং এর -

$$\text{চলতি অনুপাত} = \frac{\text{চলতি সম্পদ}}{\text{চলতি দায়}} = \frac{৩,৫০,০০০}{১,০০,০০০} = ৩.৫:১$$

ব্যখ্যা : জাওয়াদ এন্ড কোং এর চলতি অনুপাত ৩.৫ঃ১। যেহেতু চলতি অনুপাতের ক্ষেত্রে আদর্শ অনুপাত হলো ২ঃ১। সুতরাং এ কোম্পানীর স্বল্প মেয়াদী পাওনা পরিশোধের ক্ষমতা সন্তোষজনক। কোম্পানীর আর্থিক অবস্থা ভাল বলে প্রতীয়মান হলো।

খ.


$$\begin{aligned} \text{দ্রুত অনুপাত} &= \frac{\text{তুড়িত সম্পদ}}{\text{চলতি দায়}} = \frac{\text{চলতি সম্পদ} - \text{মজুদ পণ্য} - \text{অগ্রিম খরচ}}{\text{চলতি দায়}} \\ &= \frac{৩,৫০,০০০ - ১,৬০,০০০ - ০}{১,০০,০০০} = \frac{১,৯০,০০০}{১,০০,০০০} = ১.৯:১ \end{aligned}$$

ব্যখ্যা : এ অনুপাত দ্বারা কোম্পানীর তারল্য অবস্থা ভাল বলে প্রতীয়মান হচ্ছে। দ্রুত অনুপাতের ক্ষেত্রে আদর্শ অনুপাত ১ঃ১। সুতরাং এ কোম্পানীর অতি জরুরী দায় মেটানোর ক্ষমতা সুন্দর এবং আর্থিক অবস্থা ভাল।

গ.

$$\begin{aligned} \text{কার্যকরী মূলধন অনুপাত} &= \frac{\text{চলতি সম্পদ} - \text{চলতি দায়}}{\text{চলতি দায়}} \\ &= \frac{৩,৫০,০০০ - ১,০০,০০০}{১,০০,০০০} \\ &= \frac{৩,৫০,০০০ - ১,০০,০০০}{১,০০,০০০} \\ &= \frac{২,৫০,০০০}{১,০০,০০০} \\ &= ২.৫:১ \end{aligned}$$

ব্যখ্যা :- এ কোম্পানীর দৈনন্দিন কার্য পরিচালনা ক্ষমতা ভাল। কারণ কার্যকরী মূলধন অনুপাতের ক্ষেত্রে আদর্শ অনুপাত ১ : ১ এবং নির্ণিত অনুপাত ২.৫ : ১। সুতরাং অত্র কোম্পানীর আর্থিক অবস্থা ভাল কিন্তু অলস অর্থ পড়ে থাকার সম্ভাবনা রয়েছে।

 সারসংক্ষেপ
স্বল্প মেয়াদী ও তাৎক্ষণিক স্বচ্ছলতা যাচাইয়ের জন্য যে অনুপাতের ব্যবহার করা হয় তাকে তারল্য অনুপাত বলে। এজন্য মূলতঃ তিনটি অনুপাত ব্যবহার করা হয়, যথাঃ চলতি, দ্রুত ও কার্যকরী মূলধন অনুপাত। চলতি অনুপাত দ্বারা প্রতিষ্ঠানের চলতি সম্পদ দিয়ে চলতি দায় পরিশোধের ক্ষমতা আছে কিনা তা যাচাই করা হয়। এর আদর্শ অনুপাত ২ঃ১। দ্রুত অনুপাত দ্বারা প্রতিষ্ঠানের জরুরী ও তাৎক্ষণিক দায় পরিশোধের ক্ষমতা যাচাই করা হয়। এর আদর্শ অনুপাত ১ঃ১। কার্যকরী মূলধন অনুপাত দ্বারা প্রতিষ্ঠানের দৈনন্দিন কার্য পরিচালনা ক্ষমতা যাচাই করা হয়। এসবের উচ্চ হার ভাল এবং নিম্নহার খারাপ অবস্থা নির্দেশ করে। কিন্তু অতি উচ্চ ও অতি নিম্নহার বিপজ্জনক। কারণ অতি উচ্চ হার প্রতিষ্ঠানের অলস অর্থ পড়ে থাকা নির্দেশ করে এবং অতি নিম্নহার প্রতিষ্ঠানের আর্থিক সংকট নির্দেশ করে।

 পাঠোত্তর মূল্যায়ন চ.২
--

নৈর্ব্যক্তিক প্রশ্ন

- স্বল্প মেয়াদী ও তাৎক্ষণিক স্বচ্ছলতা যাচাইয়ের জন্য যে অনুপাতের ব্যবহার হয় তাকে — বলে।
ক. তারল্য অনুপাত; খ. অনুপাত বিশ্লেষণ; গ. চলতি অনুপাত; ঘ. কার্যকরী মূলধন অনুপাত।
- চলতি সম্পদ ও চলতি দায়ের অনুপাত কে কি বলে?
ক. তারল্য অনুপাত; খ. চলতি অনুপাত গ. দ্রুত অনুপাত; ঘ. চলতি মূলধন অনুপাত।
- দ্রুত সম্পদ ও দ্রুত/চলতি দায়ের অনুপাতকে — বলে।

- ক. তুড়িত অনুপাত; খ. চলতি অনুপাত; গ. মূলধন অনুপাত; ঘ. তারল্য অনুপাত।
৪. কার্যকরী মূলধন ও চলতি দায়ের অনুপাতকে — বলে।
ক. চলতি অনুপাত; খ. চলতি দায় অনুপাত; গ. এসিড টেস্ট অনুপাত; ঘ. চলতি মূলধন অনুপাত।
৫. তারল্য অনুপাতের অতি উচ্চ হার কি নির্দেশ করে?
ক. স্বচ্ছলতা; খ. স্বল্পতা; গ. অলস সম্পদ; ঘ. ভাল অবস্থা।
৬. তারল্য অনুপাতের অতি নিম্ন হার কি নির্দেশ করে?
ক. স্বচ্ছলতা; খ. আর্থিক সংকট; গ. অলস সম্পদ; ঘ. ভাল অবস্থা।
৭. তরল দায়ের অংশ নয়-
i. ব্যাংক জমাতিরিক্ত ii. সল্লমেয়াদি ব্যাংক ঋণ iii. অগ্রিম আয়সমূহ
কোনটি সঠিক?
ক. i ও ii খ. i ও iii গ. ii ও iii ঘ. i, ii ও iii
৮. স্বল্পমেয়াদি তারল্য অনুপাত হলো-
i. চলতি অনুপাত ii. তরল অনুপাত iii. কার্যকরী মূলধন অনুপাত
কোনটি সঠিক?
ক. i ও ii খ. i ও iii গ. ii ও iii ঘ. i, ii ও iii
৯. চলতি সম্পদ হলো-
i. প্রাপ্য হিসাব ii. প্রাপ্য আয় iii. দীর্ঘমেয়াদি বিনিয়োগ
কোনটি সঠিক?
ক. i ও ii খ. i ও iii গ. ii ও iii ঘ. i, ii ও iii

পাঠ-৮.৩

লভ্যাংশ অনুপাত ও এদের ব্যাখ্যা বিশ্লেষণ



উদ্দেশ্য

এ পাঠ শেষে আপনি-

- ☞ লভ্যাংশ অনুপাতের সংজ্ঞা ও বর্ণনা দিতে পারবেন
- ☞ লভ্যাংশ অনুপাতগুলোর ব্যাখ্যা দিতে পারবেন।

লভ্যাংশ অনুপাতসমূহ

মুনাফা একটি প্রতিষ্ঠানের রক্তের মত কাজ করে। মুনাফা একটি প্রতিষ্ঠানকে টিকে থাকতে সাহায্য করে। ক্রমাগত লোকসান প্রতিষ্ঠানকে অবসায়নের দিকে নিয়ে যায়। এ জন্য পাওনাদার, মালিক, কর্মীরা এবং ব্যবস্থাপনা কর্তৃপক্ষ প্রতিষ্ঠানের মুনাফার্জন ক্ষমতা জানতে আগ্রহী থাকেন। প্রতিষ্ঠানের স্থায়ীত্ব এবং প্রবৃদ্ধির জন্য মুনাফা অত্যন্ত জরুরী। মুনাফা অর্জনের সাথে ব্যবস্থাপনীয় দক্ষতাও জড়িত। দক্ষ ব্যবস্থাপনার মাধ্যমে মুনাফা অর্জিত হয়। সুতরাং যে সব অনুপাতের মাধ্যমে প্রতিষ্ঠানের কর্মদক্ষতা ও মুনাফার্জন ক্ষমতা যাচাই করা যায় তাদেরকে লভ্যাংশ অনুপাত বলে। তবে দুটি দিক থেকে মুনাফার্জন ক্ষমতা যাচাই করা হয়। মুনাফাকে বিক্রয়ের সাথে সম্পর্কিত করে এবং মুনাফাকে বিনিয়োগের সাথে সম্পর্কিত করে। বিক্রয়ের সাথে সম্পর্কিত অনুপাতগুলোর মধ্যে আছে, মোট মুনাফা অনুপাত, নীট মুনাফা অনুপাত এবং পরিচালন অনুপাত। এবং বিনিয়োগের সাথে সম্পর্কিত অনুপাতের মধ্যে রয়েছে, সম্পত্তির উপর মুনাফার্জন অনুপাত, বিনিয়োজিত মূলধনের উপর মুনাফার্জন অনুপাত, ইকুইটির উপর মুনাফার্জন অনুপাত, শেয়ার প্রতি মুনাফার্জন অনুপাত এবং শেয়ার মূল্যের উপর মুনাফার্জন অনুপাত।

লভ্যাংশ অনুপাত সমূহের বর্ণনা ও ব্যাখ্যা বিশ্লেষণ

১. মোট মুনাফা অনুপাত (Gross Profit Ratio)

মোট লাভের সাথে নীট বিক্রয়ের সম্পর্কে মোট মুনাফা অনুপাত বলা হয়। এ অনুপাত বিক্রয়ের উপর মোট মুনাফার শতকরা হার নির্দেশ করে। অর্থাৎ বিক্রয়ের শতকরা কত ভাগ মোট লাভ হলো তা এ অনুপাত দ্বারা বুঝা যায়। মোট লাভ বেশী হলে নীট লাভও বেশী হওয়ার সম্ভাবনা থাকে যদি অন্যান্য খরচ নিয়ন্ত্রিত থাকে। এ অনুপাতের মাধ্যমে প্রতিষ্ঠানের বিক্রয় নীতিও উৎপাদন বিভাগের দক্ষতা যাচাই করা হয়। ধরুন, একটি প্রতিষ্ঠানের মোট লাভ ২,৫০,০০০ টাকা এবং নীট বিক্রয় ১২,৫০,০০০ টাকা ছিল। ∴ এ প্রতিষ্ঠানের

$$\begin{aligned} \text{মোট মুনাফা অনুপাত} &= \frac{\text{মোট লাভ}}{\text{বিক্রয়}} \times 100 \\ &= \frac{২,৫০,০০০}{১২,৫০,০০০} \times 100 \\ &= ২০\% \end{aligned}$$

[দ্রষ্টব্য : মোট লাভ = বিক্রয়-বিক্রীত পণ্যের ব্যয়]

ব্যাখ্যা : মোট মুনাফা অনুপাত প্রতিষ্ঠানের বিক্রয় নীতি ও উৎপাদন বিভাগের কর্ম দক্ষতা যাচাইয়ের বিক্রয়নীতি ও উৎপাদন বিভাগের কর্ম দক্ষতা যাচাইয়ের জন্য ব্যবহৃত হয়। নির্ণীত অনুপাত ২০%। মোট মুনাফা অনুপাতের আদর্শ অনুপাত সাধারণতঃ ২০% থেকে ৩০% পর্যন্ত ধরা হয় (এক্ষেত্রেও শিল্প গড় বা অন্য কোন তুল্য অনুপাত থাকতে পারে)। ব্যাখ্যায় প্রতিষ্ঠানের বিক্রয় নীট মোটামোটি ভাল এবং উৎপাদন বিভাগের দক্ষতাও ভাল বলা যায়। তবে এক্ষেত্রে উচ্চহার কাম্য।

২. নীট মুনাফা অনুপাত (Net Profit Ratio) : নীট লাভ ও নীট বিক্রয়ের মধ্যকার সম্পর্কে নীট লাভ অনুপাত বলে। মুনাফার্জন ক্ষমতা যাচাইয়ের জন্য মোট লাভ অর্থবহ নাও হতে পারে যদি অন্যান্য পরিচালনা খরচ বেশী হয়। তাই নীট লাভ অনুপাতই সঠিক মুনাফার্জন ক্ষমতা প্রকাশ করে। এজন্য মোট লাভ অনুপাত নির্ণয়ের পর শেয়ার হোল্ডার, সম্ভাব্য বিনিয়োগকারী ও দীর্ঘ মেয়াদী ঋণদাতারা প্রতিষ্ঠানের নীট মুনাফার হার জানতে আগ্রহী হয়। এ অনুপাত নির্ণয়ের সূত্র হল-

$$\text{নীট মুনাফা অনুপাত} = \frac{\text{নীট লাভ (কর পরবর্তী)}}{\text{বিক্রয়}} \times 100$$

মনেকরুন, পূর্বের মোট লাভের থেকে প্রশাসনিক ও বণ্টন ব্যয় ও কর বাবদ যথাক্রমে ১,০০,০০০ টাকা এবং ৫০,০০০ টাকা ব্যয় করা হলো। নীট মুনাফা অনুপাত কত হবে?

নীট মুনাফা = মোট মুনাফা - (প্রশাসনিক ও বণ্টন ব্যয় ও কর)

$$= ২,৫০,০০০ - (১,০০,০০০ + ৫০,০০০)$$

$$= ২,৫০,০০০ - ১,৫০,০০০$$

$$= ১,০০,০০০ \text{ টাকা}$$

$$\begin{aligned} \therefore \text{নীট মুনাফা অনুপাত} &= \frac{\text{নীট লাভ}}{\text{বিক্রয়}} \times ১০০ \\ &= \frac{১,০০,০০০}{১২,৫০,০০০} \times ১০০ = ৮\% \end{aligned}$$

ব্যাখ্যা : নীট মুনাফা অনুপাত প্রতিষ্ঠানের মুনাফার্জন ক্ষমতা এবং প্রশাসনিক, বিক্রয় ও বিপণন বিভাগের দক্ষতা যাচাই করে। নির্ণীত অনুপাত ৮%। নীট মুনাফা অনুপাতের আদর্শ অনুপাত হলো ৫% থেকে ১০% (এক্ষেত্রেও শিল্প গড় বা অন্য তুল্য অনুপাত থাকতে পারে)। সুতরাং ব্যাখ্যার প্রতিষ্ঠানের মুনাফার্জন ক্ষমতা ভাল এবং প্রশাসনিক ও বণ্টন বিভাগের দক্ষতাও ভাল বলা যায়। এক্ষেত্রে উচ্চহার কাম্য।

৩. পরিচালন অনুপাত (Operating Ratio) : বিক্রিত পণ্যের ব্যয় এবং প্রশাসনিক ও বিপণন ব্যয়ের সমষ্টি হল পরিচালন ব্যয়। পরিচালন ব্যয় ও নীট বিক্রয়ের ভাগফলকে পরিচালন অনুপাত বলে। যেমন :

$$\text{পরিচালন অনুপাত} = \frac{\text{বিক্রিত পণ্যের ব্যয়} + \text{অন্যান্য পরিচালন ব্যয়}}{\text{নীট বিক্রয়}} \times ১০০$$

এর আদর্শ অনুপাত হলো ৮০% থেকে ৯০%। পরিচালন দক্ষতা যাচাইয়ের জন্য এ অনুপাত নির্ণয় করা হয়। ধরুন,

বিক্রয় -	১,০০,০০০ টাকা
বিক্রিত পণ্যের ব্যয় -	৫০,০০০ টাকা
প্রশাসনিক ব্যয় -	১০,০০০ টাকা
বিপণন ব্যয় -	২০,০০০ টাকা

$$\begin{aligned} \text{পরিচালন অনুপাত} &= \frac{৫০,০০০ + ১০,০০০ + ২০,০০০}{১,০০,০০০} \times ১০০ \\ &= \frac{৮০,০০০}{১,০০,০০} \times ১০০ \\ &= ৮০\% \end{aligned}$$

ব্যাখ্যা : নির্ণীত অনুপাত ৮০%। সুতরাং নীট মুনাফা বা পরিচালন মুনাফা $১০০\% - ৮০\% = ২০\%$ । এ থেকে বুঝা যায় বিক্রি থেকে পরিচালন ব্যয় ৮০% উদ্ধার হয়েছে। যেহেতু এর আদর্শ অনুপাত ৮০%-৯০%।

অতএব, বলা যায়, ফার্মের পরিচালন দক্ষতা ভাল। ব্যয় নিয়ন্ত্রণ ব্যবস্থাপনাও ভাল বলে প্রতীয়মান হলো।

৪. সম্পত্তির উপর মুনাফার্জন অনুপাত (Return on Assets Ratio) : কর বাদ নীট মুনাফাও মোট সম্পত্তির সম্পর্কে এ অনুপাত বলা হয়। এর মাধ্যমে মোট সম্পত্তির উপর মুনাফার্জন ক্ষমতা নির্ণয় করা হয়।

সূত্রটি নিম্নরূপ :

$$\text{সম্পত্তির উপর মুনাফার্জন অনুপাত} = \frac{\text{কর-বাদ নীট মুনাফা}}{\text{মোট সম্পত্তি}} \times ১০০$$

উচ্চহার এক্ষেত্রে কাম্য।

ধরুন, একটি প্রতিষ্ঠানের নীট মুনাফা ২,০০,০০০ টাকা এবং মোট সম্পত্তি আছে ১২,০০,০০০ টাকা।

$$\begin{aligned} \text{সুতরাং সম্পত্তির উপর মুনাফার্জন অনুপাত} &= \frac{২,০০,০০০}{১২,০০,০০০} \times ১০০ \\ &= ১৬.৬৭\% \end{aligned}$$

ব্যাখ্যা : এ অনুপাত দ্বারা মোট সম্পদ নিয়োগ করে কত ভাগ মুনাফা অর্জিত হয়েছে তা বুঝা যায়। প্রতিষ্ঠানটি ১৬.৬৭% মুনাফা অর্জন করেছে যা সন্তোষজনক বলে প্রতীয়মান হয়। প্রতিষ্ঠানটির মুনাফার্জন ক্ষমতা ভাল।

৫. বিনিয়োজিত মূলধনের উপর মুনাফার্জন অনুপাত (Return on Capital Employed / ROCE Ratio) :

বিনিয়োজিত মূলধনের মাধ্যমে কত মুনাফার্জন সম্ভব হয়েছে তা যাচাই করার জন্য এ অনুপাত নির্ণয় করা হয়। নীট মুনাফাকে বিনিয়োজিত মূলধন দ্বারা ভাগ করে এ অনুপাত বের করা হয়। মুনাফার্জন ক্ষমতা নির্ণয়ের একটি উত্তম অনুপাত এটি। বিনিয়োজিত মূলধন বলতে মোট ইকুইটি ও মোট দীর্ঘমেয়াদী ঋণের যোগফলকে বুঝায়। এক্ষেত্রে উচ্চহার কাম্য। এটা কোন কোম্পানীর সাফল্য বা ব্যর্থতা চিহ্নিত করে। এর উপর বিনিয়োগকারীদের সিদ্ধান্ত নির্ভর করে। এর আদর্শ অনুপাত ১৮% ধরা হয়।

সূত্র :

$$\text{বিনিয়োজিত মূলধনের উপর মুনাফার্জন অনুপাত} = \frac{\text{নীট মুনাফা}}{\text{বিনিয়োজিত মূলধন}} \times ১০০$$

এ ক্ষেত্রেও উচ্চহার কাম্য।

মনে করুন, একটি কোম্পানীর ইকুইটি ২০,০০,০০০ টাকা এবং দীর্ঘমেয়াদী ঋণ ১০,০০,০০০ টাকা। কোম্পানী তার হিসাব সনে ৬,০০,০০০ টাকা নীট মুনাফার্জন করেছে।

$$\begin{aligned} \therefore \text{বিনিয়োজিত মূলধনের উপর মুনাফার্জন অনুপাত} &= \frac{৬,০০,০০০}{৩০,০০,০০০} \times ১০০ \\ &= ২০\% \end{aligned}$$

ব্যাখ্যা : এ অনুপাত দ্বারা বিনিয়োগকৃত মূলধনের মাধ্যমে মুনাফার্জন ক্ষমতা কেমন তা যাচাই করা হয়। এর আদর্শ অনুপাত ১৮%। নির্ণীত অনুপাত = ২০%। সুতরাং কোম্পানীর মুনাফার্জন ক্ষমতা সন্তোষজনক এবং কোম্পানীর অবস্থা ভাল বলা যায়।

৬. ইকুইটির উপর মুনাফার্জন অনুপাত (Return on Equity Ratio)

শেয়ার হোল্ডারদের বিনিয়োগের প্রেক্ষিতে মুনাফার একটি সম্পর্ক প্রতিষ্ঠার জন্য ইকুইটির মাধ্যমে গৃহীত তহবিলের যথাযথ ব্যবহার হচ্ছে কি না তা জানার জন্য এ অনুপাত ব্যবহৃত হয়। এর সূত্র নিম্নরূপ :

$$\text{ইকুইটির উপর মুনাফার্জন অনুপাত} = \frac{\text{নীট মুনাফা}}{\text{শেয়ার হোল্ডারদের ইকুইটি}} \times ১০০$$

এ অনুপাতের উচ্চহার কাম্য। নীট মুনাফার যে অংশের উপর বাইরের কারো কোন দাবী থাকে না সে মুনাফা এক্ষেত্রে প্রযোজ্য। নিম্নে একটি উদাহরণ দেয়া হলো :

ধরুন, কোন প্রতিষ্ঠানের করবাদ নীট মুনাফা ২,০০,০০০ টাকা, ইকুইটি শেয়ার মূলধন ৪,০০,০০০ টাকা;

$$\begin{aligned} \therefore \text{ইকুইটির উপর মুনাফার্জন অনুপাত} &= \frac{২,০০,০০০}{৪,০০,০০০} \times ১০০ \\ &= ৫০\% \end{aligned}$$

ব্যাখ্যা : ইকুইটি বা শেয়ারের মাধ্যমে অর্জিত তহবিলের ব্যবহার যথাযথ হচ্ছে কিনা তা যাচাই করা এবং সাথে সাথে মুনাফার্জন ক্ষমতা যাচাইয়ের জন্য এ অনুপাত ব্যবহার করা হয়। এ প্রতিষ্ঠানের এ অনুপাত ৫০%। সুতরাং এক্ষেত্রে শেয়ার মূলধন ভাল ব্যবহৃত হয়েছে এবং প্রতিষ্ঠানের মুনাফার্জন ক্ষমতা ভাল বলা যায়।

৭. শেয়ার প্রতি মুনাফার্জন অনুপাত (Earning per Share Ratio) :

প্রতিটি শেয়ারের বিপরীতে কত টাকা মুনাফা অর্জিত হয়েছে তা জানার জন্য এ অনুপাত ব্যবহার করা হয়। এর সূত্র নিম্নরূপ :

$$\text{শেয়ার প্রতি মুনাফার্জন অনুপাত} = \frac{\text{মোট লভ্যাংশ}}{\text{শেয়ার সংখ্যা}}$$

মনেকরুন, শেয়ার মূল্য = ১০০ টাকা। মোট লভ্যাংশ বণ্টন করা হবে ১,২০,০০০ টাকা এবং শেয়ার সংখ্যা = ৬,০০০।

$$\text{সুতরাং শেয়ার প্রতি মুনাফার্জন অনুপাত} = \frac{১,২০,০০০}{৬,০০০} = ২০ \text{ টাকা।}$$

ব্যাখ্যা : শেয়ার হোল্ডার ও সম্ভাব্য শেয়ার ক্রেতাদের কাছে এ অনুপাত খুবই গুরুত্বপূর্ণ। শেয়ার প্রতি ২০ টাকা লভ্যাংশ প্রাপ্তি সন্তোষজনক বলা যায়। ব্যবস্থাপনা দক্ষ এবং প্রতিষ্ঠানের মুনাফার্জন ক্ষমতা ভাল বলে প্রতিয়মান হলো।

৮. শেয়ার মূল্যের উপর মুনাফার্জন অনুপাত (Price Earning Ratio) : এ অনুপাত শেয়ার প্রতি মুনাফা অর্জন ক্ষমতা এবং শেয়ারের বাজার দরের মধ্যকার সম্পর্ক নির্ণয় করে। এতে বিনিয়োগকারীরা জানতে পারেন যে, কোন প্রতিষ্ঠানের শেয়ার প্রতি লাভ ও তার বাজার মূল্যের মধ্যকার সম্পর্ক কেমন? এর সূত্র নিম্নরূপঃ


$$\text{শেয়ার মূল্যের উপর মুনাফার্জন অনুপাত} = \frac{\text{প্রতিটি শেয়ারের মূল্য}}{\text{শেয়ার প্রতি মুনাফার্জন}}$$

এক্ষেত্রে উচ্চ অনুপাত কাম্য। যেমন, পূর্বের উদাহরণের ক্ষেত্রে,

$$\begin{aligned} \text{শেয়ার মূল্যের উপর মুনাফার্জন অনুপাত} &= \frac{১০০}{২০} \\ &= ৫ \end{aligned}$$

ব্যাখ্যা : এ অনুপাত শেয়ার প্রতি মুনাফার্জন ক্ষমতা এবং শেয়ারের বাজার দরের মধ্যকার সম্পর্ক নির্ণয় করে। এ ক্ষেত্রে উচ্চ হার কাম্য। প্রতিষ্ঠানটির লভ্যাংশ অর্জন ক্ষমতা ২০% এবং শেয়ার মূল্যের সাথে এর সম্পর্ক ৫।

∴ প্রতিষ্ঠানটির অবস্থা ভাল বলে মনে হয়না কিন্তু ব্যবস্থাপনার মুনাফার্জন দক্ষতা ভাল। কারণ মুনাফার সাথে সাথে শেয়ারের মূল্য না বাড়লে প্রতিষ্ঠানের সুনাম অর্জিত হয় না।

 সারসংক্ষেপ:
পাওনাদার, মালিক, কর্মী ও ব্যবস্থাপনা কর্তৃপক্ষ প্রতিষ্ঠানের মুনাফার্জন ক্ষমতা জানতে আগ্রহী থাকেন। যে সব অনপাতের মাধ্যমে প্রতিষ্ঠানের কর্মদক্ষতা ও মুনাফার্জন ক্ষমতা যাচাই করা হয় তাকে লভ্যাংশ অনুপাত বলে। এখানে বিক্রয় ও বিনিয়োগের সাথে সম্পর্কিত করে যথাক্রমে ৩টি ও ৫টি অনুপাত অর্থাৎ মোট ৮টি অনুপাতের আলোচনা ও ব্যাখ্যা প্রদান করা হয়েছে। অনুপাতগুলি হচ্ছে, মোট মুনাফা অনুপাত, নিট মুনাফা অনুপাত, পরিচালন অনুপাত, সম্পত্তির উপর মুনাফার্জন অনুপাত, বিনিয়োজিত মূলধনের উপর মুনাফার্জন অনুপাত, ইকুইটির উপর মুনাফার্জন অনুপাত, শেয়ার প্রতি মুনাফার্জন অনুপাত এবং শেয়ার মূল্যের উপর মুনাফার্জন অনুপাত।

 পাঠোত্তর মূল্যায়ন ৮.৩
--

নৈর্ব্যক্তিক প্রশ্ন**১. নীচের কোন উত্তরটি সঠিক?**

- যে অনুপাত মুনাফার্জন ক্ষমতা যাচাই করতে ব্যবহৃত হয় তাকে লভ্যাংশ অনুপাত বলে;
- মুনাফার্জন ক্ষমতা পরিমাপক অনুপাতকে পরিচালন অনুপাত বলে;
- লভ্যাংশ অনুপাত বিক্রয়ের সাথে সম্পর্কিত;
- লভ্যাংশ অনুপাত বিনিয়োগের সাথে সম্পর্কিত।

২. কোন উত্তরটি সঠিক নয়?

- ক. মোট লাভ = বিক্রয় - বিক্রীত পণ্যের ব্যয়;
 খ. নীট লাভ = মোট লাভ - প্রশাসনিক ও বিপণন ব্যয়;
 গ. মুনাফার্জন ক্ষমতা নিম্ন থাকা ভাল;
 ঘ. শেয়ার মূল্যের উপর মুনাফার্জন অনুপাতের নিম্নহার কাম্য।

৩. নীট মুনাফার সাথে বিক্রয়ের অনুপাত কে কি বলে?

- ক. মোট মুনাফা অনুপাত;
 খ. নীট মুনাফা অনুপাত;
 গ. পরিচালনা অনুপাত;
 ঘ. মুনাফার্জন অনুপাত।

৪. ইকুইটির উপর মুনাফার্জন অনুপাত কি জন্য নির্ণয় করে?

- ক. বিনিয়োগিত মূলধনের মুনাফার্জন ক্ষমতা যাচাই করতে;
 খ. শেয়ার প্রতি মুনাফার হার জানতে;
 গ. শেয়ারের বাজার মূল্যের অবস্থা যাচাই করতে;
 ঘ. ইকুইটি তহবিলের যথাযথ ব্যবহার যাচাই করতে।

৫. প্রতিষ্ঠানের উপার্জন ক্ষমতা নির্দেশ করে-

- i. মোট লাভের অনুপাত ii. নিট লাভের অনুপাত iii. কার্যকরী মূলধন অনুপাত
 কোনটি সঠিক?

- ক. i ও ii খ. i ও iii গ. ii ও iii ঘ. i, ii ও iii

৬. অনুপাতকে প্রকাশ করা হয়-

- i. শতকরায় ii. ভগ্নাংশে iii. পূর্ণ সংখ্যায়
 কোনটি সঠিক?

- ক. i ও ii খ. i ও iii গ. ii ও iii ঘ. i, ii ও iii

পাঠ-৮.৪ কর্ম তৎপরতা অনুপাতসমূহ ও এদের ব্যাখ্যা বিশ্লেষণ



উদ্দেশ্য

এ পাঠ শেষে আপনি-

- ☞ কর্মতৎপরতা অনুপাতের বর্ণনা দিতে পারবেন
- ☞ কর্মতৎপরতা অনুপাতগুলোর ব্যাখ্যা দিতে পারবেন।

কর্মতৎপরতা অনুপাতসমূহ

কোন প্রতিষ্ঠানের কর্ম তৎপরতা বা কার্যাবলীর অবস্থা মূল্যায়নের জন্য যে অনুপাতগুলি ব্যবহৃত হয় তাদেরকে কর্মতৎপরতা অনুপাত বলে। এ ক্ষেত্রে বিক্রিত পণ্যের ব্যয়, মজুদ, দেনাদার ইত্যাদির সাথে বিক্রয়ের সম্পর্ক নির্ণয় করা হয়। বিক্রয় যত বেশী হয় লাভ তত বেশী হওয়ার সম্ভাবনা থাকে। এ অনুপাতগুলি প্রতিষ্ঠানের সম্পত্তি ব্যবস্থাপনার দক্ষতা যাচাইয়ে ব্যবহৃত হয়। সম্পত্তি ব্যবস্থাপনা যত দক্ষ হয় প্রতিষ্ঠানের বিক্রী ততবেশী হয়। ফলে মুনাফাও বৃদ্ধি পায়। অতএব, কোন প্রতিষ্ঠানের কর্মতৎপরতা তথা সম্পদ ব্যবস্থাপনার দক্ষতা যাচাইয়ের জন্য যে অনুপাতগুলি ব্যবহৃত হয় সেগুলোই কর্মতৎপরতা অনুপাত। নিম্নে এদের আলোচনা করা হলো।

কর্মতৎপরতা অনুপাতগুলির ব্যাখ্যা বিশ্লেষণ

১. মজুদ আবর্তন অনুপাত (Inventory Turn over Ratio) :-

এ অনুপাত বিক্রীত পণ্যের ব্যয়কে গড় মজুদ দিয়ে ভাগ করে নির্ণয় করা হয়। ইহা একটি প্রতিষ্ঠানের মজুদ ব্যবস্থাপনার দক্ষতা যাচাই করে। একটি নির্দিষ্ট সময়ে কতবার মজুদ পণ্য বিক্রয়ে পরিণত হতে পারে তা এ অনুপাতের মাধ্যমে নির্ণয় করা যায়। সময়মত বিক্রি হলে লাভ বেশীও দ্রুত হয় যা মজুদ ব্যবস্থাপনার দক্ষতার পরিচায়ক। এ অনুপাতের সূত্র নিম্নরূপ :

$$\text{মজুদ আবর্তন অনুপাত} = \frac{\text{বিক্রিত পণ্যের ব্যয়}}{\text{গড় মজুদ}}$$

$$\text{গড় মজুদ} = \frac{\text{প্রারম্ভিক মজুদ} + \text{সমাপনী মজুদ}}{2}$$

এ অনুপাতে উচ্চহার কাম্য। আমরা জানি, উৎপাদন ব্যয়ের সাথে প্রারম্ভিক মজুদ যোগ করেও সমাপনী মজুদ বিয়োগ করে বিক্রীত পণ্যের ব্যয় নির্ণয় করা হয়। যদি এসব না পাওয়া যায় তাহলে নিম্নের সূত্রের সাহায্য নিতে হয়।

$$\text{মজুদ আবর্তন অনুপাত} = \frac{\text{বিক্রয়}}{\text{সমাপনী মজুদ}} \quad (\text{বার/গুণ})$$

মনেকরুন, একটি প্রতিষ্ঠান ১,০০,০০০ ইউনিট দ্রব্য বিক্রি করেছে। এর উৎপাদন ব্যয় ২,০০,০০০ টাকা। প্রারম্ভিক মজুদ পণ্য ছিল ৫০,০০০ টাকার এবং সমাপনী মজুদ ছিল ৫০,০০০ টাকার।

∴ বিক্রীত পণ্যের ব্যয় হয়েছিল =

$$\text{উৎপাদন ব্যয়} = ২,০০,০০০ \text{ টাকা}$$

$$+> \text{প্রারম্ভিক মজুদ পণ্য} = \frac{৫০,০০০ \text{ টাকা}}{২,৫০,০০০ \text{ টাকা}}$$

$$-> \text{সমাপনী মজুদ} = \frac{৫০,০০০ \text{ টাকা}}{২,০০,০০০ \text{ টাকা}}$$

$$\text{গড় মজুদ} = \frac{৫০,০০০ + ৫০,০০০}{2} = \frac{১,০০,০০০}{2} = ৫০,০০০ \text{ টাকা}$$

$$\therefore \text{মজুদ আবর্তন অনুপাত} = \frac{\text{বিক্রীত পণ্যের ব্যয়}}{\text{গড় মজুদ}}$$

$$= \frac{২,০০,০০০}{৫০,০০০}$$

= ৪ বার।

ব্যাখ্যা : মজুদ আবর্তন অনুপাত মজুদ ব্যবস্থাপনার দক্ষতা যাচাইয়ে ব্যবহৃত হয়। এর আদর্শ অনুপাত = ৮ বার/গুণ। নির্ণীত অনুপাত ৪ বার/গুণ (এক্ষেত্রে শিল্প গড় বা অন্য অনুপাতের ব্যবহার হতে পারে)। সুতরাং প্রতিষ্ঠানের মজুদের গতি অত্যন্ত মন্থর। মজুদও বিক্রয় ব্যবস্থাপনা আরো দক্ষ হওয়া প্রয়োজন। মজুদ ও উৎপাদন ব্যবস্থাপনাকে আরো দূরদর্শী হতে হবে।

২. দেনাদার আবর্তন অনুপাত (Debtors Turnover Ratio) : এ অনুপাত দেনাদারদের থেকে পাওনা আদায়ের গতি নির্ণয়ের জন্য বের করা হয়। দেনাদাররা কত দ্রুত তাঁদের দেনা পরিশোধ করেন তা এ অনুপাতের সাহায্যে জানানো যায়।

এ অনুপাতের সূত্র নিম্নরূপ :

$$\text{দেনাদার আবর্তন অনুপাত} = \frac{\text{নীট ধারে বিক্রয়} / \text{বিক্রয়}}{\text{গড় দেনাদার} + \text{গড় প্রাপ্য বিল}}$$

ধরুন, বিবিধ দেনাদার ৪,০০,০০০ টাকা এবং বিক্রয় (ধারে) ২০,০০,০০০ টাকা।

$$\therefore \text{দেনাদার আবর্তন অনুপাত} = \frac{২০,০০,০০০}{৪,০০,০০০} = ৫ \text{ বার বা } \frac{৩৬৫}{৫} = ৭৩ \text{ দিন}$$

ব্যাখ্যা : এক্ষেত্রে দেনাদারদের থেকে বকেয়া আদায়ের সময় জানা যায়। ইহা ব্যবস্থাপনার আদায় নীতির কার্যকারিতা যাচাই করে। ভাল আদায় নীতি কম সময়ে দেনাদারদের থেকে অর্থ আদায় করতে সক্ষম করে। এর আদর্শ অনুপাত ৬০-৯০ দিন ধরা হয়। এর মাধ্যমে বিক্রি এবং আদায় ব্যবস্থাপনার দক্ষতা বুঝা যায়। নির্ণীত সময় ৭৩ দিন যা দক্ষ ব্যবস্থাপনার পরিচায়ক।

উল্লেখ্য, ধারে বিক্রয়ের পরিমাণ উল্লেখ না থাকলে মোট বিক্রয়কে ধারে বিক্রয় বলে ধরা হবে। একে গড় আদায় সময় অনুপাতও (Average Collection Period) বলে।

৩. মূলধন বিনিয়োগ আবর্তন অনুপাত (Capital Employed Turnover Ratio) : বিনিয়োজিত মূলধন বলতে ইকুইটি (মালিকানা স্বত্ব) ও দীর্ঘ মেয়াদী দায়ের যোগফলকে বুঝায়। ইহা প্রতিষ্ঠানের দীর্ঘ স্থায়ী মূলধনকে প্রকাশ করে। এ অনুপাত দ্বারা বিনিয়োজিত মূলধনের সাথে বিক্রয়ের সম্পর্ক কেমন তা বুঝায়। ১ টাকা বিনিয়োগ করে কত টাকা বিক্রয় সম্পন্ন হয়েছে তা এ অনুপাত দ্বারা যাচাই করা যায়। এর সূত্র নিম্নরূপ :

$$\text{মূলধন বিনিয়োগ আবর্তন অনুপাত} = \frac{\text{বিক্রয়}}{\text{বিনিয়োজিত মূলধন}}$$

এর উচ্চ হার ভাল।

মনে করুন, একটি প্রতিষ্ঠানের বিক্রয় = ২০,০০,০০০ টাকা,

মালিকানা স্বত্ব = ১০,০০,০০০ টাকা এবং দীর্ঘ মেয়াদী ঋণ = ২,০০,০০০ টাকা।

$$\therefore \text{মূলধন বিনিয়োগ আবর্তন অনুপাত} = \frac{২০,০০,০০০}{১০,০০,০০০ + ২,০০,০০০} = \frac{২০,০০,০০০}{১২,০০,০০০} = ১.৬৭ \text{ বার বা টাকা}$$

তাৎপর্য/ব্যাখ্যা : এ অনুপাত প্রতিষ্ঠানের মূলধন ব্যবহারের দক্ষতা যাচাইয়ের জন্য ব্যবহৃত হয় এবং প্রতিষ্ঠানের কর্মতৎপরতার ফলাফল মূল্যায়ন করে। উচ্চহার এক্ষেত্রে ভাল। নির্ণীত অনুপাত ১.৬৭ অর্থাৎ একটাকা মূলধন বিনিয়োগ করে ১.৬৭ টাকা বিক্রয় সম্পন্ন হয়েছে। সুতরাং বলা যায়, প্রতিষ্ঠানের মূলধন ব্যবহার দক্ষতা ভাল এবং কর্মতৎপরতা ও ভাল।

৪. মোট সম্পদ আবর্তন অনুপাত (Total Asset Turnover) : কোন প্রতিষ্ঠানের মোট সম্পদ ও বিক্রয়ের সম্পর্কে মোট সম্পদ আবর্তন অনুপাত বলে। প্রতিষ্ঠানের বিক্রয়ের পরিমাণ এর মোট সম্পদের কতগুণ তা জানার জন্য এ অনুপাত ব্যবহার করা হয়। এর সূত্র নিম্নরূপ :

$$\frac{\text{বিক্রয়}}{\text{মোট সম্পদ}}$$

এক্ষেত্রে উচ্চহার কাম্য,

মনেকরুন, বিক্রয় ২,০০,০০০ টাকা এবং মোট সম্পদ ৫০,০০০ টাকা।

$$\therefore \text{এ প্রতিষ্ঠানের মোট সম্পদ আবর্তন অনুপাত} = \frac{২,০০,০০০}{৫০,০০০} = ৪ \text{ গুণ}$$

ব্যাখ্যা : এ অনুপাত প্রতিষ্ঠানের সম্পদ কাজে লাগানোর নীতির যথার্থতা যাচাই করতে ব্যবহৃত হয়। বিক্রয় যত বেশী হবে মুনাফও তত বেশী হবে। এক্ষেত্রে নির্ণীত অনুপাত সম্পদের ৪গুণ বিক্রয় নির্দেশ করেছে। সুতরাং প্রতিষ্ঠানের অবস্থা ভাল বলে প্রতীয়মান হচ্ছে। এর উচ্চহার প্রশংসীয়। [বড় প্রতিষ্ঠানের ক্ষেত্রে এর আদর্শ অনুপাত ২গুণ এবং ছোট প্রতিষ্ঠানের ক্ষেত্রে এটি ৪ থেকে ৬ গুণ হওয়া উচিত]



সারসংক্ষেপ:

কোন প্রতিষ্ঠানের কার্যদক্ষতা মূল্যায়নের জন্য যে অনুপাতগুলো ব্যবহৃত হয় তাদেরকে কর্মতৎপরতা অনুপাত বলে। এদের মধ্যে রয়েছে, মজুদ আবর্তন অনুপাত, দেনাদার আবর্তন, মূলধন আবর্তন অনুপাত এবং মোট সম্পদ আবর্তন অনুপাত। একটি প্রতিষ্ঠানের মজুদ ব্যবস্থাপনার দক্ষতা যাচাইয়ের জন্য মজুদ আবর্তন অনুপাত, আদায় নীতির কার্যকারিতা যাচাইয়ের জন্য দেনাদার আবর্তন অনুপাত, মূলধন ব্যবহারের দক্ষতা যাচাই জন্য মূলধন বিনিয়োগ আবর্তন অনুপাত এবং মোট সম্পদের কত গুণ বিক্রয় সম্পন্ন হয়েছে তা নির্ণয়ের জন্য মোট সম্পদ আবর্তন অনুপাত নির্ণয় করা হয়। এর সব অনুপাতের উচ্চহার কাম্য।




পাঠোত্তর মূল্যায়ন ৮.৪

নৈর্ব্যক্তিক প্রশ্ন

- কোন প্রতিষ্ঠানের কর্মদক্ষতা বা সম্পদ ব্যবস্থাপনার দক্ষতা যাচাইয়ের জন্য যে অনুপাতগুলি ব্যবহৃত হয় তাদেরকে কি বলে?
ক. তারল্য অনুপাত খ. মুনাফার্জন অনুপাত গ. কর্মতৎপরতা অনুপাত ঘ. লিভারেজ অনুপাত।
- বিক্রয় ÷ মজুদ কোন অনুপাতের সূত্র?
ক. মজুদ আবর্তন অনুপাত খ. দেনাদার আবর্তন অনুপাত
গ. বিনিয়োগ আবর্তন অনুপাত ঘ. কোনটি নয়।
- বিক্রয় ও আদায় দক্ষতা যাচাইয়ে কোন অনুপাত ব্যবহৃত হয়?
ক. আদায় অনুপাত খ. দেনাদার আবর্তন অনুপাত গ. বিক্রয় অনুপাত ঘ. কোনটি নয়।
- প্রতিষ্ঠানের কার্যকলাপ নির্দেশ করে-
i. মজুত আবর্তন অনুপাত ii. পে-আউট অনুপাত iii. মূলধন আবর্তন অনুপাত
কোনটি সঠিক?
ক. i ও ii খ. i ও iii গ. ii ও iii ঘ. i, ii ও iii
- প্রশাসনিক ব্যয় হলো-
i. অফিস ভাড়া ii. কারখানা ভাড়া iii. অফিস বেতন
কোনটি সঠিক?
ক. i ও ii খ. i ও iii গ. ii ও iii ঘ. i, ii ও iii

পাঠ-৮.৫ মূলধন কাঠামো অনুপাতসমূহ ও এদের ব্যাখ্যা বিশ্লেষণ



উদ্দেশ্য

এ পাঠ শেষে আপনি-

- ☞ মূলধন কাঠামো অনুপাত সম্পর্কে বর্ণনা দিতে পারবেন।
- ☞ মূলধন কাঠামো অনুপাতগুলোর বর্ণনাসহ ব্যাখ্যা দিতে পারবেন।

মূলধন কাঠামো অনুপাত

আপনি দেখেছেন, তারল্য অনুপাত প্রতিষ্ঠানের স্বল্প-মেয়াদী স্বচ্ছলতা নিরূপণের জন্য ব্যবহৃত হয়। আর যে অনুপাতগুলো প্রতিষ্ঠানের দীর্ঘমেয়াদী স্বচ্ছলতা নির্ণয়ের জন্য ব্যবহৃত হয় তাদেরকে একত্রে মূলধন কাঠামো অনুপাত বলে। মূলতঃ মূলধন কাঠামো বলতে বিভিন্ন উৎস থেকে আহরিত মূলধনের মিশ্রণকে বুঝায়। আর এ মিশ্রণ যত সুন্দর ও যথার্থ হবে প্রতিষ্ঠানের টেকসই অবস্থা তত দৃঢ় হবে। এ অনুপাতগুলো যারা দীর্ঘ মেয়াদী ঋণ দেয় তাঁরা জানতে আগ্রহী হন। ব্যাংক, ঋণদাতা, ঋণপত্র ক্রেতাও সম্ভাব্য ক্রেতা এবং বিভিন্ন আর্থিক প্রতিষ্ঠান প্রতিষ্ঠানের দীর্ঘমেয়াদী স্বচ্ছলতা কতখানি তা জানতে আগ্রহী হন। এর মাধ্যমে মূলধন কাঠামো কতটা নির্ভরশীল বা ঝুঁকিপূর্ণ তা জানা যায়। ইকুইটি ও ঋণের সমন্বয়ে মোট মূলধন গঠিত হয়। ঋণ বেশী হলে আর্থিক ঝুঁকি বাড়ে, আবার ঋণ কমলে রক্ষণশীল অবস্থা নির্দেশ করে। এজন্য একটি আদর্শ মূলধন কাঠামো কাম্য যাতে ইকুইটি ও ঋণের যথার্থ ব্যবহারের ফলে সর্বাধিক মুনাফা অর্জিত হয়। কোন প্রতিষ্ঠানের মূলধন কাঠামো কাম্য মানের কিনা তা যাচাইয়ের জন্য নিম্নোক্ত অনুপাতগুলি ব্যবহৃত হয়। এদের বর্ণনা ও ব্যাখ্যা নীচে প্রদত্ত হলো :

১. ঋণ-ইকুইটি অনুপাত (Debt-Equity Ratio) : ইকুইটি বলতে নিজস্ব মূলধন ও ব্যবহারক্ষণ অন্যান্য রক্ষিত মুনাফাকে বুঝায়। মোট ঋণ ও ইকুইটির সম্পর্ককে ঋণ ইকুইটি অনুপাত বলা হয়। ঋণের মধ্যে স্বল্প ও দীর্ঘমেয়াদী ঋণ রয়েছে এবং ইকুইটির মধ্যে আছে, শেয়ার মূলধন, রক্ষিত (Retained) মুনাফা, উদ্বৃত্ত ও সঞ্চিতি (Surplus and Reserves) ইত্যাদি। তবে কেউ কেউ অগ্রাধিকার শেয়ার মূলধনকে ইকুইটির অন্তর্ভুক্ত করতে চান না। এ অনুপাতের সূত্র নিম্নরূপ :

$$\text{ঋণ - ইকুইটি অনুপাত} = \frac{\text{মোট ঋণ বা দীর্ঘমেয়াদী ঋণ}}{\text{মোট ইকুইটি}}$$

এক্ষেত্রে কেউ কেউ মোট ঋণের পরিবর্তে দীর্ঘমেয়াদী ঋণের ব্যবহারের পক্ষপাতি।

মনেকরুন, একটি প্রতিষ্ঠানের চলতি দায় ১,০০,০০০ টাকা, দীর্ঘমেয়াদী ঋণ ১,০০,০০০, শেয়ার মূলধন ২,০০,০০০ টাকা এবং সঞ্চিতি তহবিল ১,০০,০০০ টাকা। সুতরাং

$$\begin{aligned} \text{ঋণ - ইকুইটি অনুপাত} &= \frac{\text{দীর্ঘমেয়াদী ঋণ}}{\text{মোট ইকুইটি}} \\ &= \frac{১,০০,০০০}{৩,০০,০০০} \\ &= ১:৩ \end{aligned}$$

ব্যাখ্যা : এ অনুপাত দ্বারা ১ টাকার ঋণের বিপরীতে কত টাকার নিজস্ব মূলধন আছে তা নির্ণয় করা হয়। এর মাধ্যমে প্রতিষ্ঠানের আর্থিক ঝুঁকির মাত্রা নির্ণয় করা হয়। এর আদর্শ অনুপাত ১ঃ৩ ধরা হয়। বেশী ঋণ বেশী ঝুঁকি নির্দেশ করে। তাই এর হার কম হওয়া উচিত। আবার বেশী রক্ষণশীলতাও ভাল নয়। ঋণের যেমন সুদ দিতে হয় তেমনি এর মাধ্যমে মুনাফাও অর্জিত হয়। নির্ণীত অনুপাত ১ঃ৩ যা প্রতিষ্ঠানের সুন্দর মূলধন কাঠামো নির্দেশ করে। প্রতিষ্ঠানের ঝুঁকি সহনীয় মাত্রায় আছে বলে মনে হয়।

২. দায় - মোট সম্পদ অনুপাত (Debt to total Assets Ratio) : এ অনুপাত প্রতিষ্ঠানের মোট বহির্দায় এবং মোট সম্পদের মধ্যকার সম্পর্ক প্রকাশ করে। এর সূত্র হল, মোট দায় (বহির্দায়) ÷ মোট সম্পত্তি। মোট সম্পত্তির কত অংশ প্রতিষ্ঠানের বাইরের অর্থ দিয়ে অর্জন করা হয়েছে তা এ অনুপাতের মাধ্যমে বুঝা যায়। এখানে বহির্দায় বলতে বন্ধকী ঋণ,

ব্যাংক ওভারড্রাফট, পাওনাদার, প্রদেয় বিল, বকেয়া খরচ ইত্যাদির যোগফলকে বুঝায়। আর ভুয়া সম্পত্তি বাদে যে সম্পদ থাকে তাকে মোট সম্পদ হিসেবে ধরা হয়।

মনে করুন, কোন প্রতিষ্ঠানের ঋণ আছে ১০,০০০ টাকা, ব্যাংক ওভার ড্রাফট ১০,০০০ টাকা, বিবিধ পাওনাদার ১০,০০০ টাকা, প্রদেয় বিল ১০,০০০ টাকা এবং বকেয়া খরচ ১০,০০০ টাকা, অন্যদিকে চলতি সম্পত্তি আছে ২,০০,০০০ টাকা এবং স্থায়ী সম্পত্তি আছে ৩,০০,০০০ টাকা।

$$\therefore \text{দায় - মোট সম্পদ অনুপাত} = \frac{\text{মোট দায়}}{\text{মোট সম্পত্তি}} = \frac{৫০,০০০}{৫,০০,০০০} = ১০\%$$

ব্যাখ্যা : এ অনুপাত দ্বারা মোট সম্পদের কত অংশ বহির্দায় থেকে সংগ্রহ করা হয়েছে তা জানা যায়। এখানে মোট সম্পদের মধ্যে ঋণদাতাদের দাবী কতটুকু তা নির্ণয় করা হয়। নিম্ন/কম অনুপাত এক্ষেত্রে ভাল। তবে একেবারে কম অনুপাত রক্ষণশীলতার পরিচায়ক। নির্ণীত অনুপাত ১ঃ১০ বা ১০% যা প্রতিষ্ঠানের ভাল অবস্থা নির্দেশ করে কিন্তু প্রতিষ্ঠানটি ঋণ ব্যবহারের ক্ষেত্রে রক্ষণশীল ভূমিকা পালন করছে বলে মনে হয়। তবে সম্পদ ব্যবস্থাপনা ভাল বলে মনে করা যায়।

৩. মূলধন গিয়ারিং অনুপাত (Capital Gearing Ratio) : মোট ইকুইটিকে সুদ দিতে হয় এমন সিকিউরিটি দিয়ে ভাগ করে এ অনুপাত নির্ণয় করতে হয়। সুদযুক্ত সিকিউরিটির ভেতর দীর্ঘমেয়াদী ঋণ ও অগ্রাধিকায়ুক্ত শেয়ার অন্তর্ভুক্ত। এ অনুপাত ১ এর বেশী হলে নিম্ন গিয়ার এবং ১ এর কম হলে উচ্চ গিয়ার বুঝায়। নিম্ন গিয়ার এক্ষেত্রে ভাল। মনে করুন, একটি প্রতিষ্ঠানের অগ্রাধিকার শেয়ার আছে ২,০০,০০০ টাকা, ঋণপত্র আছে ৫০,০০০ টাকা এবং ইকুইটি শেয়ার মূলধন আছে ৩,০০,০০০ টাকা।

$$\begin{aligned} \text{এ ক্ষেত্রে মূলধন গিয়ারিং অনুপাত} &= \frac{\text{শেয়ার হোল্ডারদের ইকুইটি}}{\text{সুদযুক্ত সিকিউরিটি}} \\ &= \frac{৩,০০,০০০}{২,৫০,০০০} \\ &= ১.২ : ১ \end{aligned}$$

ব্যাখ্যা : এ অনুপাত সুদ বহনকারী সিকিউরিটির তুলনায় ইকুইটি কতগুণ তা জানতে ব্যবহার করা হয়। এর আদর্শ অনুপাত ৩ঃ১ বলে ধরা হয়। নির্ণীত অনুপাত ১.২ঃ১ যা প্রতিষ্ঠানের অবস্থা ভাল বা মূলধন কাঠামো ভাল প্রমাণ করে না।

৪. সুদ কভারেজ অনুপাত (Interest Coverage Ratio) : এ অনুপাত প্রতিষ্ঠানের ঋণ সেবা প্রদান ক্ষমতা (Debt Servicing Power) যাচাইয়ের জন্য ব্যবহৃত হয়। সুদ প্রদান পূর্ব মুনাফাকে বার্ষিক প্রদেয় সুদ দ্বারা ভাগ করে এ অনুপাত নির্ণয় করা হয়। এর উচ্চ হার প্রতিষ্ঠানের ঋণের সুদ পরিশোধের উচ্চ ক্ষমতা নির্দেশ করে। মনে করুন, একটি প্রতিষ্ঠানের সুদ পূর্ব মুনাফা (EBIT) ৬৫,০০০ টাকা, ৬% অগ্রাধিকার শেয়ার ৫০,০০০ টাকা এবং ১০% ডিবেঞ্চর বা ঋণ পত্র আছে ১,০০,০০০ টাকা। সুতরাং প্রদেয় সুদ হবে ৫০,০০০×৬% + ১,০০,০০০ × ১০% = ১৩,০০০ টাকা।

$$\begin{aligned} \text{সুতরাং, সুদ কভারেজ অনুপাত} &= \frac{\text{EBIT(সুদ পূর্ব মুনাফা)}}{\text{Interest (সুদ)}} \\ &= \frac{৬৫,০০০}{১৩,০০০} \\ &= ৫:১ \end{aligned}$$

ব্যাখ্যা : এ অনুপাত প্রতিষ্ঠানের দীর্ঘ মেয়াদী ঋণের সুদ প্রদান ক্ষমতা প্রকাশ করে। উচ্চ হার উচ্চ ক্ষমতা নির্দেশ করে। নির্ণীত অনুপাত ৫ঃ১ বা প্রতিষ্ঠানের ঋণ সেবা প্রদান ক্ষমতার সন্তোষজনক অবস্থা প্রমাণ করে। প্রতিষ্ঠানটির দীর্ঘ মেয়াদী স্বচ্ছলতা রয়েছে।

এক নজরে কতিপয় সূত্র :

১. চলতি অনুপাত হবে = $\frac{\text{চলতি সম্পদ}}{\text{চলতি দায়}}$
২. দ্রুত অনুপাত = $\frac{\text{চলতি সম্পদ} - (\text{মজুদ পণ্য} + \text{অগ্রিম খরচ})}{\text{চলতি দায় বা তড়িত দায়}}$
৩. কার্যকরী মূলধন অনুপাত = $\frac{\text{চলতি সম্পদ} - \text{চলতি দায়}}{\text{চলতি দায়}}$
৪. মোট মুনাফা অনুপাত = $\frac{\text{মোট লাভ}}{\text{বিক্রয়}} \times 100$
৫. নীট মুনাফা অনুপাত = $\frac{\text{নীট লাভ (কর পরবর্তী)}}{\text{বিক্রয়}} \times 100$
৬. পরিচালন অনুপাত = $\frac{\text{বিক্রিত পণ্যের ব্যয়} + \text{অন্যান্য পরিচালন ব্যয়}}{\text{নীট বিক্রয়}} \times 100$
৭. সম্পত্তির উপর মুনাফার্জন অনুপাত = $\frac{\text{কর-বাদ নীট}}{\text{মোট সম্পত্তি}} \times 100$
৮. বিনিয়োগিত মূলধনের উপর মুনাফার্জন অনুপাত = $\frac{\text{নীট মুনাফা}}{\text{বিনিয়োগিত মূলধন}} \times 100$
৯. ইকুইটির উপর মুনাফার্জন অনুপাত = $\frac{\text{নীট মুনাফা}}{\text{শেয়ার হোল্ডারদের ইকুইটি}} \times 100$
১০. শেয়ার প্রতি মুনাফার্জন অনুপাত = $\frac{\text{মোট লভ্যাংশ}}{\text{শেয়ার সংখ্যা}}$
১১. শেয়ার মূল্যের উপর মুনাফার্জন অনুপাত = $\frac{\text{প্রতিটি শেয়ারের বাজার মূল্য}}{\text{শেয়ার প্রতি মুনাফার্জন}}$
১২. মজুদ আবর্তন অনুপাত = $\frac{\text{বিক্রিত পণ্যের ব্যয়}}{\text{গড় মজুদ}}$
১৩. দেনাদার আবর্তন অনুপাত = $\frac{\text{বিবিধ দেনাদার}}{\text{গড় দৈনিক বাকিতে বিক্রয়}}$
১৪. মূলধন বিনিয়োগ আবর্তন অনুপাত = $\frac{\text{বিক্রয়}}{\text{বিনিয়োগিত মূলধন}}$

$$১৫. \text{ মোট সম্পদ আবর্তন অনুপাত} = \frac{\text{বিক্রয়}}{\text{মোট সম্পদ}}$$

$$১৬. \text{ ঋণ - ইকুইটি অনুপাত} = \frac{\text{মোট ঋণ বা দীর্ঘমেয়াদী ঋণ}}{\text{মোট ইকুইটি}}$$

$$১৭. \text{ দায় - মোট সম্পদ অনুপাত} = \frac{\text{মোট দায়}}{\text{মোট সম্পত্তি}}$$

$$১৮. \text{ মূলধন গিয়ারিং অনুপাত} = \frac{\text{শেয়ার হোল্ডারদের ইকুইটি}}{\text{সুদযুক্ত সিকিউরিটি}}$$

$$১৯. \text{ সুতরাং, সুদ কভারেজ অনুপাত} = \frac{\text{সুদ পূর্ব মুনাফা}}{\text{সুদ}}$$

সৃজনশীল উদাহরণ :

১। নিম্নে আনিকা কোম্পানী লিঃ এর ২০১৬ সালের ডিসেম্বর ৩১ তারিখে সমাপ্ত বছরের একটি উদ্ভূতপত্র দেয়া হলো :

আনিকা কোং লিঃ

৩১-১২-১৬ তারিখে তৈরী উদ্ভূতপত্র

দায়	টাকা	সম্পত্তি	টাকা
শেয়ার মূলধন	৬,০০,০০০	স্থায়ী সম্পত্তি	৭,০০,০০০
সঞ্চিতি তহবিল	২,০০,০০০	সমাপনী মজুদ	১,৫০,০০০
১০% ঋণপত্র	১,০০,০০০	বিবিধ দেনাদার	১,২০,০০০
বিবিধ পাওনাদার	১,০০,০০০	নগদ তহবিল	৩০,০০০
	১০,০০,০০০		১০,০০,০০০

উক্ত বছরে বিক্রয় হয় ১৪,০০,০০০ টাকা।

করণীয় :

ক. চলতি অনুপাত নির্ণয় করুন।

খ. তড়িৎ অনুপাত নির্ণয় পূর্বক ব্যাখ্যা লিখুন।

গ. মজুদ আবর্তন অনুপাত নির্ণয় পূর্বক ব্যাখ্যা লিখুন।

সমাধান :

ক.

$$\text{চলতি অনুপাত} = \frac{\text{চলতি সম্পদ}}{\text{চলতি দায়}} = \frac{৩,০০,০০০}{১,০০,০০০} = ৩:১$$

চলতি সম্পত্তি :

সমাপনী মজুদ = ১,৫০,০০০ টাকা

বিবিধ দেনাদার = ১,২০,০০০ টাকা

নগদ তহবিল = ৩০,০০০ টাকা

৩,০০,০০০ টাকা

$$\text{খ. তড়িৎ অনুপাত} = \frac{\text{চলতি সম্পদ - মজুদ}}{\text{চলতি দায়}} = \frac{৩,০০,০০০ - ১,৫০,০০০}{১,০০,০০০} = \frac{১,৫০,০০০}{১,০০,০০০} = ১.৫:১$$

ব্যাখ্যা : তড়িৎ বা দ্রুত অনুপাত প্রতিষ্ঠানের চলতি দায় মেটানোর ক্ষমতা নির্দেশ করে যা একটি কঠোর মাধ্যম। জরুরী দায় মেটানোর ক্ষমতা ও আর্থিক স্বচ্ছলতা (স্বল্প মেয়াদী) যাচাইয়ের মাধ্যমে এ অনুপাত। এর আদর্শ অনুপাত ১:১ এবং নির্ণীত অনুপাত ১.৫:১। এর উচ্চ হার ভাল। সুতরাং কোম্পানীর জরুরী চলতি দায় মেটানোর ক্ষমতা ভাল বলা যায়। এর আর্থিক স্বচ্ছলতা ভাল বলে প্রতিয়মান হয়।

$$\text{গ. মজুদ আবর্তন অনুপাত} = \frac{\text{বিক্রয়}}{\text{সমাপনী মজুদ}} = \frac{১৪,০০,০০০}{১,৫০,০০০} = ৯.৩৩ \text{ বার/গুণ}$$

ব্যাখ্যা : এ অনুপাত বিক্রয় ব্যবস্থাপনার দক্ষতা যাচাইয়ে ব্যবহৃত হয়। এর আদর্শ অনুপাত ৮গুণ। উচ্চ অনুপাত প্রশংসনীয়। নির্ণীত অনুপাত ৯.৩৩ যা কোম্পানীটির বিক্রয় ব্যবস্থাপনা ভাল বলে নির্দেশ করে।

উদাহরণ : ২

সাদিয়া লিঃ কর্তৃক ৩১-১২-২০১৬ তারিখে সমাপ্ত বছরের উদ্বৃত্তপত্র এবং লাভ-ক্ষতি হিসাব নিম্নে দেয়া হলো :

সাদিয়া লিঃ

উদ্বৃত্ত পত্র

৩১-১২-২০০২ তারিখে সমাপ্ত

দায়	টাকা	সম্পত্তি	টাকা
২০,০০০ শেয়ারের মূল্য @ ১০০টাকা	২০,০০,০০০	ভূমি ও দালান	২০,০০,০০০
১০% অগ্রাধিকার শেয়ার @ ১০০ টাকা	১০,০০,০০০	মেশিনারী	১৫,০০,০০০
সাধারণ সঞ্চিতি	১২,৫০,০০০	আসবাবপত্র	৫,০০,০০০
লাভ-ক্ষতি হিসাব	৭,৫০,০০০	চলতি সম্পদ :	
৬% ঋণ পত্র	৭,৫০,০০০	মজুদ	১০,০০,০০০
বিবিধ পাওনাদার	১২,৫০,০০০	বিবিধ দেনাদার	২০,০০,০০০
ব্যাংক ওভার ড্রাফট	৫,০০,০০০	প্রাপ্য বিল	৪,০০,০০০
		হাতে নগদ	১,০০,০০০
	৭৫,০০,০০০		৭৫,০০,০০০

লাভ-ক্ষতি হিসাব

২০০২ সালের ৩১ ডিসেম্বর সমাপ্ত বছরের জন্য

ডেবিট

ক্রেডিট

বিবরণ	টাকা	বিবরণ	টাকা
প্রারম্ভিক মজুদ	১৫,০০,০০০	বিক্রয়	১,০০,০০,০০০
ক্রয়	৬০,০০,০০০	সমাপনী মজুদ	১০,০০,০০০
মোট লাভ	৩৫,০০,০০০		
	১,১০,০০,০০০		১,১০,০০,০০০
প্রশাসনিক ব্যয়	১৭,৫০,০০০	মোট লাভ	৩৫,০০,০০০
বিক্রয় ও বণ্টন ব্যয়	৭,৫০,০০০		
নীট লাভ	১০,০০,০০০		
	৩৫,০০,০০০		৩৫,০০,০০০

ইকুইটি শেয়ার মূলধনের উপর মোট ৩,০০,০০০ টাকা লভ্যাংশ ঘোষণা করা হয়েছে।

করণীয় :

ক. মোট মুনাফা অনুপাত নির্ণয় করুন।

খ. নীট মুনাফা অনুপাত নির্ণয় পূর্বক ব্যাখ্যা লিখুন।

গ. সম্পত্তির উপর মুনাফা অর্জন অনুপাত নির্ণয় পূর্বক ব্যাখ্যা লিখুন।

সমাধান

ক.


$$\begin{aligned} \text{মোট মুনাফা অনুপাত} &= \frac{\text{মোট লাভ}}{\text{বিক্রয়}} \times 100 \\ &= \frac{35,00,000}{1,00,00,000} \times 100 = 35\% \end{aligned}$$

$$\begin{aligned} \text{খ. নীট মুনাফা অনুপাত} &= \frac{\text{নীট লাভ (কর পরবর্তী)}}{\text{বিক্রয়}} \times 100 \\ &= \frac{10,00,000}{1,00,00,000} \times 100 = 10\% \end{aligned}$$

ব্যাখ্যা : নীট মুনাফা অনুপাত প্রতিষ্ঠানের মুনাফার্জন ক্ষমতা নির্দেশ করে। প্রশাসনিক, বিক্রয় ও বিপণন বিভাগের দক্ষতা যাচাইয়ের জন্যও এ অনুপাত নির্ণয় করা হয়। এর আদর্শ অনুপাত ৫% থেকে ১০%। নির্ণীত অনুপাত ১০% যা প্রতিষ্ঠানের মুনাফার্জন ক্ষমতা সন্তোষজনক নির্দেশ করেছে। কোম্পানীর প্রশাসনিক, বিক্রয় ও বিপণন বিভাগের দক্ষতাও সুন্দর বলে প্রমাণিত হলো।

$$\begin{aligned} \text{গ. সম্পত্তির উপর মুনাফার্জন অনুপাত} &= \frac{\text{নীট মুনাফা}}{\text{মোট সম্পত্তি}} \times 100 \\ &= \frac{10,00,000}{1,00,00,000} = 10.00\% \end{aligned}$$

ব্যাখ্যা : এ অনুপাত মোট সম্পত্তির উপর মুনাফার্জন হার নির্দেশ করে। এর মাধ্যমে সম্পদের উপর মুনাফার্জন ক্ষমতা যাচাই করা যায়। নির্ণীত অনুপাত ১০.০০% যা সন্তোষজনক বলে মনে হয়।

 সারসংক্ষেপ:
যে অনুপাতগুলো প্রতিষ্ঠানের দীর্ঘমেয়াদী স্বচ্ছলতা যাচাইয়ের জন্য ব্যবহৃত হয় তাদেরকে একত্রে মূলধন কাঠামো অনুপাত বলে। দীর্ঘমেয়াদী ঋণদাতারা এ অনুপাতগুলি জানতে আগ্রহী হয়। এক্ষেত্রে মোটামোটি ৪টি অনুপাত আলোচিত হয়েছে। প্রতিষ্ঠানের আর্থিক ঝুঁকির মাত্রা নির্ণয়ের জন্য ঋণ-ইকুইটি অনুপাত নির্ণয় করা হয়। সুদ বহনকারী সিকিউরিটিজের তুলনায় ইকুইটি কতগুণ তা জানতে মূলধন গিয়ারিং অনুপাত নির্ণয় করা হয়। এবং প্রতিষ্ঠানের দীর্ঘ মেয়াদী ঋণের সুদ প্রদান ক্ষমতা যাচাইয়ের জন্য সুদ কভারেজ অনুপাত নির্ণয় করা হয়।

 পাঠোত্তর মূল্যায়ন ৮.৫
--

নৈর্ব্যক্তিক প্রশ্ন

১. যে অনুপাত দীর্ঘ মেয়াদী স্বচ্ছলতা নির্ণয়ের জন্য ব্যবহৃত হয় তাকে কি বলে?

ক. তারল্য অনুপাত

খ. মুনাফার্জন অনুপাত

গ. কর্মতৎপরতা অনুপাত

ঘ. মূলধন কাঠামো অনুপাত

২. মোট মূলধন =?

ক. ইকুইটি+ঋণ

খ. শেয়ার মূলধন +রিজার্ভ

- গ. শেয়ার মূলধন + ঋণ ঘ. শেয়ার মূলধন + লাভ
৩. ঋণ-ইকুইটি অনুপাত কি জন্য ব্যবহৃত হয়?
ক. ঋণ কত তা জানতে খ. ইকুইটি কত তা জানতে
গ. আর্থিক ঝুঁকির মাত্রা নির্ণয় করতে ঘ. কোনটি নয়
৪. কোনটি বহির্দায় নয়?
ক. বন্ধকী ঋণ খ. অগ্রাধিকার শেয়ার
গ. পাওনাদার ঘ. বকেয়া খরচ।
৫. সুদ কভারেজ অনুপাত কি জন্য নির্ণয় করা হয়?
ক. ঋণ সেবা প্রদান ক্ষমতা যাচাই খ. সুদ কত তা জানতে
গ. সুদের হার জানতে ঘ. ঋণের সুদ পরিশোধ করতে।

৬. মালিকানা তহবিলের উপাদান হলো-

- i. শেয়ার মূলধন ii. সাধারণ সঞ্চিতি iii. অবশিষ্ট মুনাফা
কোনটি সঠিক?
ক. i ও ii খ. i ও iii গ. ii ও iii ঘ. i, ii ও iii

উত্তরমালা	
পাঠোত্তর মূল্যায়ন-৮.১	ঃ ১. গ ২. খ ৩. গ ৪. ক ৫. গ ৬. ক ৭. খ
পাঠোত্তর মূল্যায়ন-৮.২	ঃ ১. ক ২. খ ৩. ক ৪. ঘ ৫. গ ৬. খ ৭. ক ৮. ঘ ৯. ক
পাঠোত্তর মূল্যায়ন-৮.৩	ঃ ১. ক ২. গ ৩. খ ৪. ঘ ৫. ক ৬. ঘ
পাঠোত্তর মূল্যায়ন-৮.৪	ঃ ১. গ ২. ক ৩. খ ৪. গ ৬. গ
পাঠোত্তর মূল্যায়ন-৮.৫	ঃ ১. ঘ ২. ক ৩. গ ৪. খ ৫. ক ৬. ঘ

রচনামূলক প্রশ্নমালা

১. অনুপাত বলতে কি বুঝেন? অনুপাত বিশ্লেষণের সংজ্ঞা দিন।
২. অনুপাত বিশ্লেষণের উদ্দেশ্যাবলী বর্ণনা করুন।
৩. অনুপাত বিশ্লেষণের কি প্রয়োজন আছে? থাকলে বিস্তারিত আলোচনা করুন।
৪. তারল্য অনুপাত বলতে কি বুঝেন? চলতি অনুপাত দ্রুত অনুপাত এবং কার্যকরী মূলধন অনুপাতের তাৎপর্য ও গুরুত্ব আলোচনা করুন।
৫. লভ্যাংশ অনুপাত সম্পর্কে বর্ণনা দিন। মোট মুনাফা অনুপাত, নীট মুনাফা অনুপাত, পরিচালন অনুপাত, সম্পত্তির উপর মুনাফার অনুপাত, বিনিয়োগিত মূলধনের উপর মুনাফার অনুপাত সম্পর্কে যা জানেন লিখুন।
৬. ইকুইটির উপর মুনাফার অনুপাত, শেয়ার প্রতি মুনাফার অনুপাত এবং শেয়ার মূল্যের উপর মুনাফার অনুপাতের তাৎপর্য বর্ণনা করুন।
৭. কর্মতৎপরতা অনুপাত বলতে কি বুঝেন? মজুদ আবর্তন অনুপাত, দেনাদার আবর্তন অনুপাত, মূলধন বিনিয়োগ আবর্তন অনুপাত এবং মোট সম্পদ অনুপাতের গুরুত্ব আলোচনা করুন।
৮. মূলধন কাঠামো অনুপাত সম্পর্কে যা জানেন লিখুন। ঋণ-ইকুইটি অনুপাত, দায়-মোট সম্পদ অনুপাত, মূলধন গিয়ারিং অনুপাত এবং সুদ-কভারেজ অনুপাতের গুরুত্ব বর্ণনা করুন।
৯. কোন প্রতিষ্ঠানের তারল্য বা স্বল্পমেয়াদী স্বচ্ছলতা যাচাইয়ের জন্য কোন কোন অনুপাতের ব্যবহার করা হয়? এদের গুরুত্ব আলোচনা করুন।
১০. দীর্ঘমেয়াদী স্বচ্ছলতা নিরূপণের জন্য কোন্ কোন্ অনুপাত ব্যবহৃত হয়? এদের গুরুত্ব ও তাৎপর্য বর্ণনা করুন।
১১. মুনাফার ক্ষমতা যাচাইয়ের জন্য কোন কোন অনুপাত ব্যবহৃত হয়। এগুলোর গুরুত্ব আলোচনা করুন।
১২. কোন প্রতিষ্ঠানের কর্মতৎপরতা যাচাইয়ের জন্য কোন্ কোন্ অনুপাতের ব্যবহার হয়। এদের গুরুত্ব বর্ণনা করুন।

সৃজনশীল সমস্যাবলী

১. ২০১৫ সালের ৩১ ডিসেম্বর তারিখে পলাশ কোম্পানি লি.-এর আর্থিক অবস্থার বিবরণী নিম্নে প্রদত্ত হলো:

পলাশ কোম্পানি লি.
আর্থিক অবস্থার বিবরণী

মূলধন ও দায়সমূহ	টাকা	সম্পদসমূহ	টাকা
শেয়ার মূলধন	১৪,০০,০০০	সুনায	৪,০০,০০০
সাধারণ সঞ্চিতি	১,০০,০০০	স্থায়ী সম্পদ	১০,০০,০০০
১৫% ঋণপত্র	৩,০০,০০০	সমাপনী মজুদ	৩,২০,০০০
বিবিধ পাওনাদার	১,৮০,০০০	বিবিধ দেনাদার	৩,৪০,০০০
প্রদেয় বিল	৪০,০০০	প্রাপ্য বিল	১,২০,০০০
ব্যাংক জমাতিরিক্ত	৬০,০০০	নগদ তহবিল	২০,০০০
সংরক্ষিত আয় হিসাবের উদ্বৃত্ত (চলতি বছরের নিকট আয়)	১,২০,০০০		
	<u>২২,০০,০০০</u>		<u>২২,০০,০০০</u>

অন্যান্য তথ্য : (ক) প্রারম্ভিক মজুদ পণ্য ১,৮০,০০০ টাকা। (খ) বিক্রীত পণ্যের ব্যয় ১৬,৬০,০০০ টাকা।
(গ) মোট বিক্রয় ২০,০০,০০০ টাকা যার মধ্যে ৭৫% ধারে বিক্রয়।
ক. চলতি মূলধনের পরিমাণ নির্ণয় করুন।
খ. চলতি অনুপাত ও ত্বরিত অনুপাত নির্ণয় করুন।
গ. দেনাদার আবর্তন অনুপাত ও মজুদ আবর্তন অনুপাত নিরূপণ করুন।

২. সুরভী লিঃ-এর ২০১৬ সালের আর্থিক অবস্থার বিবরণী নিচে দেয়া হলো:

মূলধন ও দায়সমূহ	টাকা	সম্পদসমূহ	টাকা
শেয়ার মূলধন	১১,০০,০০০	স্থায়ী সম্পদ	১০,০০,০০০
সাধারণ সঞ্চিতি	২,০০,০০০	মজুদ	৩,০০,০০০
১৫% ঋণপত্র	৪,০০,০০০	প্রাপ্য হিসাব	৩,৫০,০০০
শেয়ার অধিহার	১,০০,০০০	নগদ	৫০,০০০
বকেয়া খরচ	৫০,০০০	ব্যাংক জমা	১,৫০,০০০
প্রদেয় হিসাব	১,৫০,০০০	প্রাপ্য নোট	১,৫০,০০০
	<u>২০,০০,০০০</u>		<u>২০,০০,০০০</u>

কোম্পানি বিক্রীত পণ্যের ব্যয়ের ওপর ২৫% লাভে পণ্য বিক্রয় করে থাকে। ২০১৬ সালের বিক্রয়ের পরিমাণ ছিল ২৫,০০,০০০ টাকা।
ক. বিক্রীত পণ্যের ব্যয় নির্ণয় করুন।
খ. (১) বিনিয়োজিত মূলধন, (২) চলতি সম্পদ, (৩) চলতি মূলধন এবং (৪) চলতি দায় নির্ণয় করুন।
গ. (১) চলতি অনুপাত, (২) মোট লাভ অনুপাত, (৩) কার্যকরী মূলধন অনুপাত এবং (৪) মজুদ আবর্তন অনুপাত বের করুন।

৩. মারুফা লিমিটেড-এর ২০১৪ সালের ৩১ ডিসেম্বর তারিখের আর্থিক অবস্থার বিবরণী নিচে দেয়া হলো:

মারুফা লিমিটেড
আর্থিক অবস্থার বিবরণী
৩১ ডিসেম্বর, ২০১৪

মূলধন ও দায়সমূহ	টাকা	সম্পদসমূহ	টাকা
শেয়ার মূলধন	১২,০০,০০০	সুনাং	৩,০০,০০০
সঞ্চিতি তহবিল	৪,০০,০০০	বিনিয়োগ (দীর্ঘমেয়াদি)	১,০০,০০০
লাভ-লোকসান হিসাবের জের	২,০০,০০০	অন্যান্য স্থায়ী সম্পদ	১৩,০০,০০০
দীর্ঘমেয়াদি ঋণ	৪,০০,০০০	মজুদ পণ্য	২,৮০,০০০
বিবিধ পাওনাদার	২,২৫,০০০	বিবিধ দেনাদার	৩,৫০,০০০
ব্যাংক জমাতিরিক্ত	৫০,০০০	নগদ তহবিল	১,৪৫,০০০
	<u>২৪,৭৫,০০০</u>		<u>২৪,৭৫,০০০</u>

কোম্পানি নিট বিক্রয়ের পরিমাণ ২৬,৫০,০০০ টাকা এবং নিট লাভের পরিমাণ ৫,২০,০০০ টাকা। বিক্রীত পণ্যের ব্যয় ২০,০০,০০০ টাকা।

ক. বিনিয়োগিত মূলধন নির্ণয় করুন।

খ. অনুপাত নির্ণয় করুন: (১) চলতি অনুপাত; (২) এসিড টেস্ট অনুপাত; (৩) মজুদ আবর্তন অনুপাত, (৪) নিট লাভের অনুপাত।

গ. নিম্নলিখিত তথ্যের ভিত্তিতে প্রতিষ্ঠানের অবস্থান সম্পর্কে মন্তব্য করুন।

	অনুপাতের নাম	অনাদর্শমান
(১)	চলতি অনুপাত	২ : ১
(২)	এসিড টেস্ট অনুপাত	১ : ১
(৩)	মজুদ আবর্তন অনুপাত	৮ বার
(৪)	নিট লাভের অনুপাত	১০% - ১৫%

৪. রবি কোম্পানি লি.-এর আর্থিক অবস্থার বিবরণী নিম্নে দেয়া হলো :

আর্থিক অবস্থার বিবরণী
২০১৫ সালের ৩১ ডিসেম্বর তারিখে প্রস্তুতকৃত

মূলধন ও দায়সমূহ	টাকা	সম্পদসমূহ	টাকা
সাধারণ শেয়ার মূলধন	২,০০,০০০	ভূমি ও দালানকোঠা	৫,০০,০০০
অগ্রাধিকার শেয়ার মূলধন	৩,০০,০০০	আসবাবপত্র	২,০০,০০০
সংরক্ষিত আয়	২,০০,০০০	মজুদ পণ্য	১,৫০,০০০
১৫% ঋণপত্র	১,০০,০০০	দেনাদারবৃন্দ	১,২৫,০০০
পাওনাদারবৃন্দ	৮০,০০০	নগদ তহবিল	৭৫,০০০
প্রদেয় বিল	৪৫,০০০	প্রাপ্য বিল	৫০,০০০
ব্যাংক জমাতিরিক্ত	১,৭৫,০০০		
	<u>১১,০০,০০০</u>		<u>১১,০০,০০০</u>

চলতি বছরের মোট লাভ ১,৫০,০০০ টাকা। প্রারম্ভিক মজুদ পণ্যের পরিমাণ ১,০০,০০০ টাকা। সারা বছর বিক্রয়ের পরিমাণ ১৬,০০,০০০ টাকা।

ক. চলতি অনুপাত নির্ণয় করুন।

খ. তারল্য অনুপাত ও কার্যকরী মূলধন অনুপাত নির্ণয় করুন।

গ. দেনাদার আবর্তন অনুপাত ও মজুদ আবর্তন অনুপাত নির্ণয় করুন।

৫. মান্নান লি.-এর ৩১ ডিসেম্বর ২০১৫ সালের আর্থিক অবস্থার বিবরণী এবং অন্যান্য তথ্য নিম্নে প্রদত্ত হলো:

মূলধন ও দায়সমূহ	টাকা	সম্পদসমূহ	টাকা
সাধারণ শেয়ার মূলধন	৯,০০,০০০	ভূমি ও দালানকোঠা	৯,০০,০০০
১০% অগ্রাধিকার শেয়ার মূলধন	৪,০০,০০০	কলকজা ও যন্ত্রপাতি	৬,০০,০০০
সাধারণ সঞ্চিতি	৫,০০,০০০	আসবাবপত্র	২,০০,০০০
লাভ-ক্ষতি হিসাব	৩,০০,০০০	মজুদ পণ্য	৫,০০,০০০
১২% ঋণপত্র	৩,০০,০০০	বিবিধ দেনাদার	৭,০০,০০০
ব্যাংক জমাতিরিক্ত	২,০০,০০০	প্রাপ্য বিল	১,৬০,০০০
বকেয়া খরচ	৫,০০০	অগ্রিম খরচ	৫,০০০
প্রদেয় হিসাব	১,০০,০০০	নগদ তহবিল	৪০,০০০
আয়কর সঞ্চিতি	৫০,০০০		
কর্মচারী কল্যাণ তহবিল	২,০০,০০০		
প্রদেয় বিল	১,৫০,০০০		
	<u>৩১,০৫,০০০</u>		<u>৩১,০৫,০০০</u>

অন্যান্য তথ্য: নিট বিক্রয় ৪০,০০,০০০ টাকা এবং করবাদ নিট লাভ ৪,০০,০০০ টাকা।

ক. সম্পত্তির ওপর মুনাফার অনুপাত নির্ণয় করো।

খ. চলতি অ্যুপাত এবং দায়-মালিকানা অনুপাত নির্ণয় করুন।

গ. বিনিয়োজিত মূলধনের আয় অনুপাত ও বিনিয়োজিত মূলধনের আবর্তন অনুপাত নির্ণয় করুন।

৬. হাসিব কোম্পানি লি.-এর ২০১৫ সালের ৩১ ডিসেম্বর তারিখে আর্থিক অবস্থার বিবরণী ও অন্যান্য তথ্য নিম্নে দেয়া হলো:

মূলধন ও দায়সমূহ	টাকা	সম্পদসমূহ	টাকা
শেয়ার মূলধন	৭,০০,০০০	স্থায়ী সম্পদসমূহ	৯,০০,০০০
সাধারণ সঞ্চিতি	২,০০,০০০	মজুদ পণ্য	২,০০,০০০
বিবিধ পাওনাদার	১,০০,০০০	বিবিধ দেনাদার	১,৫০,০০০
দীর্ঘমেয়াদি ঋণ	২,০০,০০০	নগদ তহবিল	৫০,০০০
ব্যাংক জমাতিরিক্ত	১,০০,০০০		
	<u>১৩,০০,০০০</u>		<u>১৩,০০,০০০</u>

উক্ত বছরে বিক্রয়ের পরিমাণ ছিল ১৪,০০,০০০ টাকা। বিক্রীত পণ্যের ব্যয়ের ওপর ২৫% লাভে বিক্রয় করা হয়। নিম্নোক্ত অনুপাতগুলো নির্ণয় করুন।

ক. পণ্য বিক্রয়ের লাভের পরিমাণ নির্ণয় করুন।

খ. চলতি অনুপাত ও অগ্নিপরিষ্কা অনুপাত নির্ণয় করুন।

গ. কার্যকরী মূলধন অনুপাত ও বিক্রয়ের ওপর মোট লাভের অনুপাত নির্ণয় করুন।

৭. সোনালী কোম্পানি লি.-এর আর্থিক বিবরণী সংক্রান্ত তথ্যাবলি নিম্নরূপ:

সোনালী কোম্পানি লি.
আর্থিক অবস্থার বিবরণী

২০১৫ সালের ৩১ ডিসেম্বর তারিখে প্রস্তুত

মূলধন ও দায়সমূহ	টাকা	সম্পদসমূহ	টাকা
শেয়ার মূলধন	১৯,০০,০০০	স্থায়ী সম্পদ	১৮,০০,০০০
সাধারণ সঞ্চিতি	২,০০,০০০	মজুদ পণ্য	২,০০,০০০
১৫% ঋণপত্র	২,০০,০০০	দেনাদার	৩,২০,০০০
পাওনাদার	২,০০,০০০	ব্যাংকে জমা	১,৮০,০০০
	<u>২৫,০০,০০০</u>		<u>২৫,০০,০০০</u>

ক. বিনিয়োগিত মূলধন নির্ণয় করুন।

খ. উদ্দীপকের আলোকে তরল অনুপাত ও দায়-মালিকানা অনুপাত নির্ণয় করুন।

গ. বিক্রয় ১২,০০,০০০ টাকা এবং ক্রয়মূল্যের ওপর ২৫% লাভ হয়ে থাকলে মোট লাভ ও নিট লাভ অনুপাত নির্ণয় করুন।

৮. ডেল্টা কোম্পানি লি.-এর আর্থিক বিবরণী সংক্রান্ত তথ্যাবলি নিম্নরূপ:

বিবরণ	টাকা
প্রদেয় হিসাব	১০,০০০
ব্যাংক জমাতিরিক্ত	২,০০০
মজুদ পণ্য	২০,০০০
প্রাপ্য হিসাব	৮,০০০
নগদ তহবিল	২,০০০

বছরে বিক্রয়ের পরিমাণ ছিল ১,৫০,০০০ টাকা এবং কোম্পানি বিক্রীত পণ্যের ব্যয়ের উপর ২৫% লাভে পণ্য বিক্রয় করে।

ক. চলতি মূলধনের পরিমাণ নির্ণয় করুন।

খ. আর্থিক সচ্ছলতা যাচাইয়ের জন্য দুটি অনুপাত (চলতি অনুপাত ও অগ্নি পরীক্ষা অনুপাত) নির্ণয় করুন।

গ. মোট লাভ অনুপাত ও মজুদ আবর্তন অনুপাত নির্ণয় করুন।

৯. আলফা কোম্পানি লি.-এর আর্থিক বিবরণী সংক্রান্ত তথ্যাবলি নিম্নরূপ:

আলফা কোম্পানি লি.
আর্থিক অবস্থার বিবরণী

৩০ জুন, ২০১৫

মূলধন ও দায়সমূহ	টাকা	সম্পদসমূহ	টাকা
সাধারণ শেয়ার মূলধন	৩,২৫,০০০	সুনাম	২,৫৯,০০০
সাধারণ সঞ্চিতি	৪৫,০০০	দালান	১,০১,২৫০
সংরক্ষিত আয়	৩৩,৯৫০	যন্ত্রপাতি	৭৮,৯৫০
১০% ঋণপত্র	১,১২,৫০০	আসবাবপত্র	৪৫,০০০
বিবিধ পাওনাদার	১১,২৫০	সমাপনী মজুদ পণ্য	৩৩,৯৫০
প্রদেয় বিল	১১,২৫০	বিবিধ দেনাদার	২৩,০০০
ব্যাংক জমাতিরিক্ত	৪,৫০০	নগদ জমা	৪,৫০০
	<u>৫,৪৩,২৫০</u>		<u>৫,৪৩,২৫০</u>

অতিরিক্ত তথ্য: ১. প্রারম্ভিক মজুদ ২২,৫০০ টাকা; (২) মোট লাভ ৬৭,৫০০ টাকা; (৩) নিট লাভ ৩৩,৯৫০ টাকা; (৪) নিট বিক্রয় ২,২৫,০০০ টাকা।

ক. দ্রুত অনুপাত নির্ণয় করুন।

খ. চলতি অনুপাত ও মজুদ আবর্তন অনুপাত নির্ণয় করুন।

গ. মোট লাভ অনুপাত ও চলতি মূলধন অনুপাত নির্ণয় করুন।

বাংলাদেশ উন্মুক্ত বিশ্ববিদ্যালয়
এইচএসসি প্রোগ্রাম
হিসাববিজ্ঞান দ্বিতীয় পত্র
বিষয় কোড : HSC-2886
মান-বণ্টন

সৃজনশীল

ক বিভাগ = ২০

আর্থিক বিবরণির অংশ হতে ২ টি সৃজনশীল অংক থাকবে ২টিরই উত্তর দিতে হবে $(১০ \times ২) = ২০$

খ বিভাগ = ৪০

বইয়ের অবশিষ্ট ইউনিটগুলো হতে ৭টি সৃজনশীল অংক থাকবে ৪টির উত্তর দিতে হবে $(৪ \times ১০) = ৪০$

বহু নির্বাচনী অভীক্ষা

৪০টি বহু নির্বাচনী প্রশ্ন থাকবে। ৪০টিরই উত্তর পূর্ণাঙ্গভাবে উত্তরপত্রে লিখতে হবে। $(১ \times ৪০) = ৪০$

সর্বমোট ১০০ নম্বর।

বিশেষ দ্রষ্টব্য : রচনামূলক সৃজনশীল অংশের প্রতিটি প্রশ্নের করণীয় ক. খ. গ.-এর উত্তর ধারাবাহিকভাবে লিখতে হবে। বিচ্ছিন্নভাবে লেখা যাবে না।

বহু নির্বাচনী অভীক্ষার প্রতিটি নৈর্ব্যক্তিক প্রশ্নের উত্তর অবশ্যই পূর্ণাঙ্গভাবে উত্তরপত্রে লিখতে হবে। কোন অবস্থায়ই কেবলমাত্র অক্ষর প্রতীক লিখলে সঠিক উত্তর বলে গণ্য করা হবে না। উত্তরের নমুনা : ১.ঘ খেলাধুলার সরঞ্জাম ক্রয়। ২.ক সমান হারে ইত্যাদি।

বাংলাদেশ উন্মুক্ত বিশ্ববিদ্যালয়
এইচএসসি প্রোগ্রাম
হিসাববিজ্ঞান দ্বিতীয় পত্র (সৃজনশীল)
বিষয় কোড : HSC-2886
নমুনা প্রশ্ন

পূর্ণমান : ৬০ সময় : ২ ঘন্টা ২০ মিনিট
[বিশেষ দ্রষ্টব্য : ডান পার্শ্বের সংখ্যা প্রশ্নের পূর্ণমান জ্ঞাপক। ক - বিভাগ হতে দুটি এবং খ - বিভাগ হতে চারটি প্রশ্নসহ মোট ৬ টি প্রশ্নের উত্তর দিন।]

ক বিভাগ

১। ২০১৩ সালের ৩১ ডিসেম্বর তারিখে সোনার বাংলা কোম্পানির রেওয়ামিল নিম্নে দেয়া হলোঃ

সোনার বাংলা কোম্পানি লিঃ

রেওয়ামিল

৩১ ডিসেম্বর, ২০১৩

হিসাবের নাম	ডেবিট টাকা	ক্রেডিট টাকা
অফিস সরঞ্জাম	৪০,০০০	
অগ্রিম বিমা	১২,০০০	
অফিস সাপ্লাইজ	১২,৫০০	
পুঞ্জিভূত অবচয়		৪,০০০
প্রদেয় মজুরি		৬,০০০
অগ্রিম পরিবহন খরচ	৮,৫০০	
সেবা আয়		৩৫,০০০
অগ্রিম সেবা আয়		৩,০০০
শেয়ার মূলধন		২৫,০০০
	<u>৭৩,০০০</u>	<u>৭৩,০০০</u>

অন্যান্য তথ্য :

- vi. অব্যবহৃত অফিস সাপ্লাইজের পরিমাণ ৪,৫০০ টাকা।
- vii. অফিস সরঞ্জামের উপর ৫% অবচয় ধার্য করতে হবে।
- viii. অগ্রিম বিমার মেয়াদ উত্তীর্ণ হয়েছে ৫০০ টাকা।
- ix. অগ্রিম সেবা আয়ে ৪০% এর সেবা পাওয়া গেছে।
- x. অগ্রিম পরিবহন খরচের ৪,০০০ টাকার সেবা পাওয়া গেছে।

করণীয় :

- ক. মোট সেবা আয়ের পরিমাণ কত? ২
- খ. যথোপযুক্ত ছকে সোনার বাংলা কোম্পানি লি.- এর নিট মুনাফা নির্ণয় করুন। ৪
- গ. আর্থিক অবস্থার বিবরণী প্রস্তুত করুন। ৪

২। সাদ কোম্পানি লি.-এর অনুমোদিত মূলধন ১,০০,০০,০০০ টাকা। উক্ত মূলধন প্রতি শেয়ার ১০০ টাকা মূল্যের ১,০০,০০০ সাধারণ শেয়ারে বিভক্ত। উক্ত কোম্পানির রেওয়ামিল নিচে দেওয়া হলোঃ

হিসাবের নাম	ডেবিট টাকা	ক্রেডিট টাকা
মূলধনঃ ইস্যুকৃত ও বিলিকৃত মূলধন (৬৪,০০০ শেয়ার প্রতিটি ১০০ টাকা মূল্যের)		৬৪,০০,০০০
পণ্য ক্রয় ও বিক্রয়	২৫,২৫,০০০	৫০,৩৫,০০০
যন্ত্রপাতি	৮,০০,০০০	
প্রারম্ভিক মজুদ পণ্য	১৫,০০,০০০	
প্রদেয় হিসাব		৬,০০,০০০

সাধারণ সঞ্চিতি তহবিল		৭,০০,০০০
নগদ তহবিল	৫৩,০০,০০০	
বিজ্ঞাপন	৬,০০,০০০	
প্রাপ্য হিসাব	১২,৫৫,০০০	
ব্যবসায় গঠন খরচ	২,৫৫,০০০	
খুচরা যন্ত্রাংশ	৫,০০,০০০	
সংরক্ষিত আয় বিবরণী (০১.০১.২০১৩)		৪,০০,০০০
অবলেখকের কমিশন	৪,০০,০০০	
	<u>১,৩১,৩৫,০০০</u>	<u>১,৩১,৩৫,০০০</u>

অন্যান্য তথ্যঃ

- ২০১৩ সালের ৩১ ডিসেম্বর মজুদ পণ্যের ক্রয়মূল্য ১৬,০০,০০০ টাকা এবং বাজারমূল্য ১৭,৫০,০০০ টাকা।
- বিনামূল্যে পণ্য বিতরণ ৫০,০০০ টাকা হিসাবভুক্ত হয়নি এবং মোট বিজ্ঞাপন খরচ পাঁচটি হিসাব বছরে সমন্বয় হবে।
- বিবিধ দেনাদারের ৫০,০০০ টাকা আদায়যোগ্য নয়। অবশিষ্ট দেনাদারের উপর ১০% হারে অনাদায়ী পাওনা সঞ্চিতি তৈরি করতে হবে।
- নিট লাভের ৫০,০০০ টাকা সাধারণ সঞ্চিতি তহবিলে স্থানান্তর করতে হবে এবং ৪০,০০০ টাকা দিয়ে ত্রাণ তহবিল তৈরি করতে হবে।
- যন্ত্রপাতির ওপর ১০% হারে অবচয় ধার্য করতে হবে।

করণীয়:

- বিলম্বিত বিজ্ঞাপনের পরিমাণ নির্ণয় করুন। ২
- নিট লাভ ২১,৬৫,০০০ টাকা হলে সংরক্ষিত আয় বিবরণী তৈরি করুন। ৪
- ৩১ ডিসেম্বর ২০১৩ সালের কোম্পানির মোট সম্পদের পরিমাণ নির্ণয় করুন। ৪

খ বিভাগ

- নিম্নে স্টেশন ক্লাব, দিনাজপুরের প্রাপ্তি-প্রদান হিসাব দেওয়া হলো:

স্টেশন ক্লাব, দিনাজপুর
প্রাপ্তি ও প্রদান হিসাব

২০১৪ সালের ৩১ ডিসেম্বর পর্যন্ত সমাপ্ত বছরের জন্য

হিসাবের শিরোনাম	টাকা	হিসাবের শিরোনাম	টাকা
নগদ উদ্বৃত্ত	১২,০০০	বেতন খরচ	১২,০০০
চাঁদা	৪০,০০০	ভাড়া খরচ	২৪,০০০
উইলকৃত ধনদৌলত	২০,০০০	ম্যাগাজিনে ছাপানো ব্যয়	৩,০০০
অনুদান	৪,০০০	প্রাপ্ত রক্ষকের মজুরি	২,৩০০
ম্যাগাজিনে বিজ্ঞাপন বাবদ আয়	২,০০০	বই ক্রয় (০১.০৯.১৪)	১৮,০০০
বৃত্তি তহবিল (বিশেষ)	৫,০০০	বৃত্তি প্রদান	৪,০০০
আজীবন সভ্যের চাঁদা	২,০০০	ঘাসকাটা যন্ত্র ক্রয়	৫,০০০
পুরাতন আসবাবপত্র বিক্রয়		আসবাবপত্র ক্রয়	১৮,০০০
(০১-০১-১৪ তারিখে ক্রয়মূল্য ছিল ৬,০০০ টাকা)	৫,০০০	নগদ উদ্বৃত্ত	৩,৭০০
	<u>৯০,০০০</u>		<u>৯০,০০০</u>

- ১ জানুয়ারি ২০১৪ তারিখে ক্লাবের সম্পদসমূহ যথাক্রমে : আসবাবপত্র ২৫,০০০ টাকা, ১০% বিনিয়োগ ৪০,০০০ টাকা এবং লাইব্রেরির বইপত্র ৪৮,০০০ টাকা।

অন্যান্য তথ্যঃ

১. প্রাপ্ত চাঁদার অন্তর্ভুক্ত ১,৫০০ টাকা বিগত বছরের বকেয়া ছিল।
২. উইলকৃত ধন-দৌলতের ১/৪ অংশ মুনাফা জাতীয় প্রাপ্তি হিসাবে গণ্য করতে হবে।
৩. আসবাবপত্র ও বইপত্রের উপর ১০% হারে অবচয় ধার্য করতে হবে।

করণীয়ঃ

- | | |
|--|---|
| ক. মূলধন জাতীয় আয়ের দফাসমূহ টাকা পরিমাণসহ লিখুন। | ২ |
| খ. আসবাবপত্র ও বইপত্রের উপর ধার্যকৃত অবচয়ের পরিমাণ খসড়াসহ দেখান। | ৪ |
| গ. ক্লাবের প্রারম্ভিক মূলধন তহবিল নির্ণয় করুন। | ৪ |

৪। ২০১৬ সালের ১ জানুয়ারি তারিখ রিপন কোম্পানির আর্থিক অবস্থার বিবরণীতে নিম্নলিখিত তথ্যসমূহ পাওয়া গেল:-

প্রাপ্য হিসাব ৪,৮০,০০০ টাকা।

অনাদায়ী পাওনা সঞ্চিতি ৪০,০০০ টাকা।

২০১৬ সালে প্রাপ্য হিসাব সম্পর্কিত লেনদেনসমূহ ছিল নিম্নরূপঃ

ধারে পণ্য বিক্রয় ১,৬০,০০০ টাকা।

অনাদায়ী পাওনা বাবদ অবলোপন করতে হবে ২০,০০০ টাকা।

বছর শেষে অনাদায়ী সঞ্চিতি রাখতে হবে ৪০,০০০ টাকা।

করণীয়ঃ

- | | |
|---|---|
| (ক) চলতি বছরের অনাদায়ী পাওনা খরচের পরিমাণ নির্ণয় করুন। | ২ |
| (খ) উপযুক্ত লেনদেনগুলোর জাবেদা দাখিলা দিন। (ব্যখ্যার প্রয়োজন নাই) | ৪ |
| (গ) প্রাপ্য হিসাব ও অনাদায়ী পাওনা সঞ্চিতি হিসাবের খতিয়ান তৈরি করুন। | ৪ |

৫। ২০১৪ সালের ১ জানুয়ারি তারিখে রাজিব এন্ড কোং ৩,১০,০০০ টাকায় একটি মেশিন ক্রয় করে। উক্ত মেশিনের আমদানি শুল্ক ২০,০০০ টাকা, জাহাজ ভাড়া ৫,০০০ টাকা ও সংস্থাপন ব্যয় ২৫,০০০ টাকা। মেশিনটির আনুমানিক আয়ুষ্কাল ৫ বছর এবং ভগ্নাবশেষ মূল্য ১০,০০০ টাকা। প্রতিষ্ঠানটির হিসাবকাল ৩১ ডিসেম্বর শেষ হয় এবং সরলরৈখিক পদ্ধতিতে অবচয় ধার্য করা হয়।

করণীয়ঃ

- | | |
|--|---|
| ক. মেশিনের অর্জন মূল্য নির্ণয় করুন। | ২ |
| খ. রাজিব এন্ড কোং-এর বইতে ২০১৪ এবং ২০১৫ সালের মেশিন ক্রয় এবং অবচয় সংক্রান্ত প্রয়োজনীয় জাবেদা দাখিলা দেখান। | ৪ |
| গ. ২০১৪ এবং ২০১৫ সালের শেষ তারিখে রাজিব এন্ড কোং-এর আর্থিক অবস্থার বিবরণীতে মেশিন কিভাবে প্রদর্শিত হবে দেখান। | ৪ |

৬। ক, খ ও গ একটি অংশীদারী প্রতিষ্ঠানের তিনজন অংশীদার। তারা ব্যবসায়ের লাভ-লোকসান যথাক্রমে ২ঃ২ঃ১ অনুপাত বন্টন করে নেয়। ২০১৪ সালের ১ জানুয়ারি তারিখে তাদের মূলধন ছিলঃ ক-এর ২০,০০০ টাকা, খ-এর ১৫,০০০ টাকা এবং গ-এর ১০,০০০ টাকা। অংশীদারগণের মূলধন ও উত্তোলনের উপর বার্ষিক ৫% হারে সুদ ধার্য করতে হবে। 'গ' ব্যবসা হতে মাসিক ২০০ টাকা করে বেতন পাবে এবং এই বেতনের টাকা সে এখন পর্যন্ত উত্তোলন করে নাই। সম্ভাব্য লাভের প্রত্যাশায় ২০১৪ সালে ক-৬,০০০ টাকা, খ-৩,০০০ টাকা এবং গ-৪,৫০০ টাকা ব্যবসায় হতে উত্তোলন করেছিল। অংশীদারগণের উত্তোলনের সুদ ক-এর ১০০ টাকা, খ-এর ৪৫ টাকা এবং গ-এর ৭৫ টাকা নির্ণয় করা হয়। 'গ' এর বেতনের টাকা ডেবিট করার পর কিঞ্চি উপরোক্ত অন্যান্য সমন্বয়গুলো সাধন করার পূর্বে ২০১৪ সালের ৩১ ডিসেম্বর তারিখে সমাপ্ত বৎসরের জন্য ব্যবসায়ের লাভ ১০,৩০০ টাকায় উপনীত হল।

করণীয়ঃ

- | | |
|---|---|
| ক) অংশীদারদের মূলধনের সুদ নির্ণয় করুন। | ২ |
| খ) ক, খ ও গ এর লাভ-লোকসান আবন্টন হিসাব প্রস্তুত করুন। | ৪ |
| গ) অংশীদারদের মূলধন হিসাব প্রস্তুত করুন। | ৪ |

৭। রায় এসোসিয়েটস এর কর্মকর্ত আশা ও নিশার ২০১৬ সালের এপ্রিল মাসের বেতন সংক্রান্ত তথ্যাদি নিম্নে প্রদত্ত হলোঃ

	আশা	নিশা
মূল বেতন	টাকা ৩০,০০০	২৮,০০০
বাড়ি ভাড়া ভাতা (মূল বেতনের)	৪৫%	৪৫%
যাতায়াত ভাতা	টাকা ৪,০০০	৪,০০০
আপ্যায়ন ভাতা	টাকা ৮০০	৮০০
চিকিৎসা ভাতা	টাকা ৬০০	৬০০
ভবিষ্য তহবিলে চাঁদা (মূল বেতনের)	১০%	১০%
যৌথ বিমায় চাঁদা (মূল বেতনের)	২%	২%
কল্যাণ তহবিলে চাঁদা (মূল বেতনের)	১%	১%
আয়কর (মূল বেতনের)	৫%	৫%
অগ্রিম বেতন কর্তন	৫,০০০	শূন্য
গৃহনির্মাণ ঋণ কর্তন	শূন্য	৮,০০০

প্রতিষ্ঠানের প্রভিডেন্ট ফান্ড কন্ট্রিবিউটরি এবং নিয়োগকর্তাও সমপরিমাণ দান করেন।

করণীয় :

- (ক) প্রভিডেন্ট ফান্ডে জমার পরিমাণ নির্ণয় করুন। ২
- (খ) মোট উপার্জন নির্ণয় করুন। ৪
- (গ) নিট পরিশোধের পরিমাণ নির্ণয় করুন। ৪

৮। ২০১৪ সালের ৩১ ডিসেম্বর ডিজাইন লি. এর আর্থিক অবস্থার বিবরণী ছিল নিম্নরূপঃ

মূলধন ও দায়	টাকা	সম্পত্তি ও পরিসম্পদসমূহ	টাকা
শেয়ার মূলধন	৩,০০,০০০	সুনাম	৩০,০০০
সাধারণ সঞ্চিতি	২৫,০০০	ভূমি ও দালান কোঠা	১,৬০,০০০
সংরক্ষিত আয়ের উদ্ধৃত	৩০,০০০	কলকজা ও যন্ত্রপাতি	১,৪০,০০০
১০% ঋণপত্র	৮০,০০০	আসবাবপত্র	২৫,০০০
প্রদেয় হিসাব	৫০,০০০	মজুদ পণ্য	৪০,০০০
প্রদেয় নোট	৫,০০০	প্রাপ্য হিসাব	৮০,০০০
ব্যাংক জমাতিরিক্ত	১০,০০০	প্রাপ্য নোট	২০,০০০
		নগদ উদ্ধৃত	৫,০০০
	<u>৫,০০,০০০</u>		<u>৫,০০,০০০</u>

বিক্রিত পণ্যের ব্যয় ৩,৫০,০০০ টাকা।

করণীয় :

- ক. চলতি সম্পদ ও চলতি দায়ের পরিমাণ নির্ণয় করুন। ২
- খ. চলতি ও তারল্য অনুপাত নির্ণয় করুন। ৪
- গ. কার্যকরী মূলধন অনুপাত ও মজুদ আবর্তন অনুপাত নির্ণয় করুন। ৪
- ৯। করিম রহিমের নিকট ধারে ১৫,০০০ টাকার পণ্য ক্রয় করে এর মূল্য বাবদ রহিমের বরাবর দু'মাস মেয়াদী একটি বিনিময় বিল প্রস্তুত করলেন। রহিম একই তারিখে বিলে স্বীকৃতি প্রদান করে তা করিমের কাছে ফেরত পাঠালেন। বিলখানি পাবার সাথে সাথে করিম বার্ষিক ১০% হারে অগ্রণী ব্যাংকে বাট্টা করে নেয়। কিন্তু মেয়াদপূর্তিতে রহিম বিলখানির টাকা পরিশোধ করতে অপারগ হয়ে রিমকে নগদ ৯,০০০ টাকা প্রদান করলে এবং ৩০০ টাকা সুদসহ বিলখানির অবশিষ্ট টাকার জন্য তিন মাস মেয়াদী অপর একটি নতুন বিলে স্বীকৃতি প্রদান করলেন। মেয়াদ শেষে নতুন বিলখানি পরিশোধিত হল।

করণীয়:

- ক. বাট্টার পরিমাণ নির্ণয় করুন। ২
- খ. করিমের হিসাব বহিতে প্রয়োজনীয় জাবেদা দেখান। ৪
- গ. রহিমের হিসাব বহিতে প্রয়োজনীয় জাবেদা দেখান। ৪

৮। অংশীদারি চুক্তির অবর্তমানে নিচের কোনটি সঠিক নয় ?

- ক) অংশীদারদের বেতন পরিশোধ করতে হবে না
খ) অংশীদারদের কমিশন পরিশোধ করতে হবে না
গ) অংশীদারদের মূলধন ও উত্তোলনের উপর সুদ ধার্য করা হবে না
ঘ) অংশীদারদের ঋণের সুদ পরিশোধ করতে হবে না

৯। তামিম ইকবাল ও মাহরাফি একটি অংশীদারি কারবারের দু'জন অংশীদার। তাদের প্রত্যেকের প্রারম্ভিক মূলধনের পরিমাণ ৩০,০০০ টাকা। বছরের মাঝামাঝিতে প্রত্যেকে আরো ১০,০০০ টাকা করে অতিরিক্ত মূলধন আনয়ন করেন। ৫% হারে অংশীদারদের মূলধনের মোট সুদের পরিমাণ কত ?

- ক) ১,৭৫০ টাকা
খ) ২,০০০ টাকা
গ) ৩,৫০০ টাকা
ঘ) ৪,০০০ টাকা

১০। অংশীদারি কারবারের বকেয়া খরচ বাবদ দায় হিসাবভুক্তি বাদ পড়লে -

- i) কারবারের মুনাফা বৃদ্ধি পাবে
ii) অংশীদারদের মূলধন বৃদ্ধি পাবে
iii) কারবারের সম্পদ বৃদ্ধি পাবে
নিচের কোনটি সঠিক ?

- ক) i ও ii
খ) i ও iii
গ) ii ও iii
ঘ) i, ii ও iii

১১। রকি একটি অংশীদারি কারবারের একজন অংশীদার। সে কারবার হতে প্রতি মাসে ৫% হারে ৪,০০০ টাকা করে উত্তোলন করেন। উত্তোলনের সুদের পরিমাণ কত ?

- ক) ১,১০০ টাকা
খ) ১,২০০ টাকা
গ) ১,৩০০ টাকা
ঘ) ২,৪০০ টাকা

১২। X কোম্পানির হাতে নগদ ১০,০০০ টাকা, সমাপনি মজুদ পণ্য ২০,০০০ টাকা, প্রদেয় বিল ১০,০০০ টাকা, সুনাম ১৫,০০০ টাকা, দেনাদার ১০,০০০ টাকা। কোম্পানির চলতি অনুপাত কত ?

- ক) ১ : ১
খ) ২ : ১
গ) ৩ : ১
ঘ) ৪ : ১

১৩। একটি কোম্পানির নগদ তহবিল ৫,০০০ টাকা; ব্যাংক জমার পরিমাণ ১০,০০০ টাকা; মজুদ পণ্য ৫,০০০ টাকা; দেনাদার ২০,০০০ টাকা; প্রদেয় বিল ১০,০০০ টাকা; পাওনাদার ২০,০০০ টাকা; ব্যাংক জমাতিরিক্ত ৫,০০০ টাকা। কোম্পানির নির্ণীত ত্বরিত অনুপাত কত ?

- ক) ১.১৪ : ১
খ) ১.১৭ : ১
গ) ১.৩৩ : ১
ঘ) ১.৪০ : ১

১৪। নাসির কোম্পানির কার্যকরী মূলধন ৮,০০,০০০ টাকা, কারবারের চলতি অনুপাত ৩ : ১ হলে, চলতি সম্পদের পরিমাণ কত ?

- ক) ৪,০০,০০০ টাকা
খ) ৬,০০,০০০ টাকা
গ) ৮,০০,০০০ টাকা
ঘ) ১২,০০,০০০ টাকা

১৫। নিচের কোনটি চলতি দায় ?

- ক) ঋণপত্র
খ) বন্ধকী ঋণ
গ) শেয়ার অধিহার
ঘ) প্রদেয় বিল

□ নিচের উদ্দীপকটি পড়ুন এবং দুইটি প্রশ্নের উত্তর দিন :

ঢাকা কোম্পানির শেয়ার মূলধন ১২,০০,০০০ টাকা, জমি ৫,০০,০০০ টাকা, দালানকোঠা ৭,৪০,০০০ টাকা, বিনিয়োগ ৪,০০০ টাকা, ব্যাংক জমাতিরিক্ত ৩৪,০০০ টাকা, পাওনাদার ২,৫৪০ টাকা, দেনাদার ১০,৪০০ টাকা, প্রদেয় বিল ১,৩০০ টাকা, প্রাপ্য বিল ৩৪০ টাকা, সমাপনি মজুদ পণ্য ৩৩,০০০ টাকা, অগ্রীম আয় ৬৪০ টাকা।

□ নিচের উদ্দীপকটি পড় এবং দুইটি প্রশ্নের উত্তর দিন :

২০১৩ সালের ৩১ ডিসেম্বর তারিখে সমাপ্ত বছরের করিম স্টোরের তথ্যাবলি নিম্নরূপ :
বিবরণ টাকা

বিক্রয়	২,০০,০০০
বিক্রিত পণ্যের ব্যয়	৮০,০০০
অফিস সংক্রান্ত ব্যয়	২০,০০০
বিক্রয় ও বন্টন সংক্রান্ত ব্যয়	২০,০০০
আয়কর ৫০%	

২৬। বিক্রিত পণ্যের ব্যয় নির্ণয়ের সূত্র কোনটি ?

- ক) প্রারম্ভিক মজুদ + ক্রয় - সমাপনি মজুদ খ) সমাপনি মজুদ + ক্রয় - প্রারম্ভিক মজুদ
গ) বিক্রয় + ক্রয় - সমাপনি মজুদ ঘ) সমাপনি মজুদ + বিক্রয় - প্রারম্ভিক মজুদ

২৭। করবাদ নীট লাভের পরিমাণ কত ?

- ক) ২০,০০০ টাকা খ) ৪০,০০০ টাকা
গ) ৫০,০০০ টাকা ঘ) ৮০,০০০ টাকা

২৮। প্রাপ্য হিসাব ৩০,০০০ টাকা। মোট অনাদায়ী পাওনার পরিমাণ ৬,০০০ টাকা। অবশিষ্ট প্রাপ্য হিসাবের উপর ১০% বাট্টা সঞ্চিতি ধরা হলে, বাট্টা সঞ্চিতির পরিমাণ কত? (রেওয়ামিলে অনাদায়ী পাওনা ৪,০০০ টাকা)

- ক) ২,০০০ টাকা খ) ২,৪০০ টাকা
গ) ২,৮০০ টাকা ঘ) ৩,০০০ টাকা

২৯। হিসাবকাল শেষে প্রাপ্য হিসাবের উদ্ধৃত্ত দ্বারা কি বুঝায়?

- ক) আয় খ) সম্পদ
গ) দায় ঘ) মালিকানা স্বত্ব

৩০। আনামুল ট্রেডার্স-এর ২০১৪ সালের ধারে বিক্রয় ২০,০০০ টাকা। অনুমান করা যাচ্ছে যে অনাদায়ী পাওনার পরিমাণ বৎসরে ১০% হবে। এই পরিস্থিতিতে আনামুল ট্রেডার্স কী ব্যবস্থা নেবে?

- ক) বাকিতে বিক্রয় না করা খ) দেনাদারের সাথে খারাপ ব্যবহার করা
গ) নগদ বাট্টার পরিমাণ বাড়িয়ে দেওয়া ঘ) অনাদায়ী পাওনার জন্য ভবিষ্যৎ ব্যবস্থা রাখা

৩১। সন্দেহজনক দেনা সঞ্চিতির প্রকৃতি কি?

- ক) মুনফার বন্টন খ) সঞ্চিতি
গ) বিপরীত সম্পত্তি ঘ) ক্ষতি

৩২। Depreciation শব্দটি কোন শব্দ হতে উৎপত্তি হয়েছে?

- ক) Depretum খ) Deptium
গ) Depretium ঘ) Depciturium

৩৩। অবচয় ধার্যের কারণ-

- i) সামঞ্জস্যতার নীতি
ii) কম সাশ্রয়
iii) সম্পত্তির প্রতিস্থাপন
নিচের কোনটি সঠিক ?

- ক) i ও ii খ) ii ও iii
গ) i ও iii ঘ) i, ii ও iii

৩৪। অবচয় কোন ধরনের প্রক্রিয়া ?

- ক) মূল্যায়ন খ) ক্রয় মূল্য বন্টন
গ) নগদ জমাকরণ ঘ) মূল্য বিশ্লেষণ

□ নিচের উদ্দীপকটি পড়ে ২৩ ও ২৪ নং প্রশ্নের উত্তর দিন :

শচিন মেশিনারির মেশিন ক্রয়ের হিসাব নিম্নরূপঃ

২০১২ জানুয়ারি ১ -----১,০০,০০০ টাকা

২০১২ জুন ৩০ -----৭০,০০০ টাকা

২০১৪ মার্চ ৩১ -----৯০,০০০ টাকা

২০১২ সালের জুন ৩০ তারিখে যে মেশিনটি ক্রয় করা হয়েছিল তা জুলাই ১, ২০১৩ সালে ৬০,০০০ টাকায় বিক্রয় হয়। স্থিরকিস্তি পদ্ধতিতে ১০% অবচয় ধার্য করা হলো।

৩৫। ডিসেম্বর ৩১, ২০১২ তারিখে মোট অবচয়ের পরিমাণ হবে—

ক) ৮,৫০০ টাকা

খ) ১০,০০০ টাকা

গ) ১৩,৫০০ টাকা

ঘ) ১৭,০০০ টাকা

৩৬। জুলাই ১, ২০১৩ সালে মেশিন বিক্রয় বাবদ কত টাকা লাভ বা ক্ষতি হয়েছিল ?

ক) লাভ ৫০০ টাকা

খ) ক্ষতি ৩,০০০ টাকা

গ) ক্ষতি ৬,৫০০ টাকা

ঘ) ক্ষতি ১০,০০০ টাকা

□ সমাপনি মজুদ পণ্যের বাজার মূল্য ৮০,০০০ টাকা যার ক্রয় মূল্য বাজার মূল্য অপেক্ষা ৫,০০০ টাকা কম, উক্ত সমাপনি মজুদ পণ্যের মধ্যে ১,০০০ টাকা অব্যবহৃত মনিহারি অন্তর্ভুক্ত আছে।

৩৭। সমাপনি মজুদ পণ্যের মূল্য কত ?

ক) ৭৪,০০০ টাকা

খ) ৭৫,০০০ টাকা

গ) ৭৬,০০০ টাকা

ঘ) ৭৯,০০০ টাকা

৩৮। যদি সমাপনি মজুদ পণ্যের ক্রয় মূল্য বাজার মূল্য অপেক্ষা ২,০০০ টাকা বেশি হয় তবে আর্থিক অবস্থার বিবরণীতে -

i) চলতি সম্পদ বৃদ্ধি পাবে

ii) মুনাফা বৃদ্ধি পাবে

iii) মালিকানা তহবিল বৃদ্ধি পাবে

নিচের কোনটি সঠিক ?

ক) i ও ii

খ) i ও iii

গ) ii ও iii

ঘ) i, ii ও iii

৩৯। ১৫ টি চেয়ারের উৎপাদন ব্যয় ১৮,০০০ টাকা। যদি কোম্পানি বিক্রয় মূল্যের উপর ২০% মুনাফা করতে চায় তবে প্রতিটি চেয়ারের বিক্রয় মূল্য কত হবে?

ক) ৯৬০ টাকা

খ) ১,২০০ টাকা

গ) ১,৪৪০ টাকা

ঘ) ১,৫০০ টাকা

৪০। প্রারম্ভিক মজুদ পণ্য ২৫,০০০ টাকা, সমাপনি মজুদ পণ্য ১৫,০০০ টাকা, বিক্রিত পণ্যের ব্যয় ৬০,০০০ টাকা। ক্রয়ের পরিমাণ কত ?

ক) ৩৫,০০০ টাকা

খ) ৪৫,০০০ টাকা

গ) ৫০,০০০ টাকা

ঘ) ৭০,০০০ টাকা